



La Géorgie
 Indépendante
 Revue mensuelle
 JUILLET
 1937 — № 137

ო ვ ლ ი ს ი
 1937 წ.
 № 137

დასავლეთკავკასიელი დამოუკიდებელი

ს ა ქ ა რ თ ვ ე ლ ე ს პ ე ლ ი ტ ი კ უ რ ი პ ა რ ტ ი ე ბ ი ს ო რ გ ა ნ ო .

შ ი ნ ა ა რ ს ი :

მეთაური—დახვრეტები ტფილისში.
 ხან. მანი—დაშნაკელები და კავკასია.
 დარბაისელი—ნავსი ვატყდა.
 X.—რუსთაველის იუბილე და ქარ. ემიგრაცია.
 ნ. ურუშაძე—პარიზის მსოფლიო გამოფენა.

ნაური—წერილი ამერიკიდან.
 რას სწერენ სომხური გაზეთები.
 ბოლშევიკური მიღწევები.
 დამსწრე—სამოქალაქო პანაშვიდი ლევილში.
 დახვრეტები ტფილისში. და სხვ.

დასკრები ბ ზ ი ლ ი ს შ ი

მოსკოვის პრესა წვრილმან ამბებში ათავსებს, 13 ივლისს, «ზარია ვოსტოკა»-ს ცნობას, რომ ტფილისში შვიდი «ჯაშუში-ტერორისტი» დახვრტიეს, მათ შორის ხელმძღვანელი ბუდუ მდივანიო. მათ ბრალდებოდათ, იმავე ცნობით, საბჭოთა კავშირის ღალატი და იქიდან საქართველოს გამოთიშვის განზრახვა, ერთ ფაშისტურ უცხო სახელმწიფოს დახმარებითო.

ხანგასახობა, უწინარეს ყოვლისა, ის გარემოება, რომ გადამწყვეტი როლი ამ სისხლიან აქტში ტფილისს და არა მოსკოვს აქვს დათმობილი. საქართველოს უმადლესმა, სამსაჯულომ—ირწმუნება «ზარია ვოსტოკა»—განიხილა, დახურულ კარებში, შვიდის საქმე, ისინი სავსებით გამოტყდნენ დანაშაულში და განაჩენი სისრულეში იქნა მოყვანილიო. გამოდის, ამრიგად, მოსკოვი არაფერ შუაში ყოფილა, ფაქტის წინაშე დაუყენებია ის ტფილისს. და სტალინი, კიდევ რომ ნდომებოდა, ვერ უშველიდა, დაგვიანებული იყო!

განა შეიძლებოდა უკეთ გამოაშკარაგება დიქტატორის ჯამბაზობის, სიფლიდესი, სიმხალესი? სინიდისის ქეჯნაზე ზედმეტია ლაპარაკი, თუმცა განა სტალინის ბრძანებით არ ეფინებოდენ ფიანდაზად ბუდუ და სხვები რუსის ჯარებს თავისუფალ საქართველოს დასამხობად? არა, დიქტატორის ამ ულაზათო მიზანსცენიდან—ვითომ ის არაფერ შუაშია—აშკარად მოსჩანს მხოლოდ შიში, ცხოველური შიში, ვაი თუ დახვრტილთა ვინმე ნათესავმა შური იძიოს ჩემზეო. თორემ ვინაა თავი მოლალატე

გამცემი, ღირსი თვით ტანტაროზის სასჯელისა, თუ არა ისევე პირშავი სტალინი? მას მართლა აქვს საბუთი ათასი ხერხი იხმაროს, რათა თავიდან აიცილინოს დამსახურებული შურისძიება, მაგრამ რამდენად ამაოა ეს ცდა, იქიდანაც კარგადა სჩანს, რომ ის თავის ნაცვალს ბერიას აფარებს თავს.

რას ფიქრობს ქართველი ერი, როგორია მისი მსჯავრი დახვრტილებზე? მისი ზიზღი და რისხვა მოდლატეთა მიმართ, «განკითხვის დღეს», გარდაუვლია, მაგრამ ისიც არ მოელოდა უთუოდ ასეთ ბოლოს! დაბეჯითებით შეიძლება ითქვას, რომ ქართველ ერს არ შეეძლო, რაც არ უნდა ცდილიყო, ასე სასტიკად დაესაჯა თავისი გამცემნი. ერთია, როცა გსჯის შენი ერი, რომელსაც ულალატე; მეორეა, როცა მსაჯულად გამოდიან შენივე თანამოხიარენი საშინელ დანაშაულში. აი, რა ხვედრი ეწიათ გუშინდელ «მართველთ», როგორ გადაუხადა მათ სტალინმა უცხო და ბარბაროსულ სახელმწიფოს სამსახურისთვის!

საქმე განხილულ იქნა დახურულ კარებშიო, ბრალდებულნი გამოტყდნენო... ესეც მეორე უკმენი სიყალბე, რომელიც მხოლოდ ბერიასებურ სირცხვილ-სინდისზე ხელადებულ მსაჯულებისგან იყო მოსალოდნელი. განა ცხადზე უცხადესი არაა ყველასათვის, რომ, როცა ბრალდებულნი არ ტყდებიან, მხოლოდ მაშინ ხურავს მოსკოვი სამსაჯულოს კარებს? რა სიამოვნებით მოაწყობდა სტალინის ნაცვალი ზინოვიევი-რადეკისებურ პროცესს ტფილისში, რომ თვით მოსკოვიც დაეჩრდილა!



მაგრამ ვერ შესძლო. ან რაში უნდა გამტყდარიყვენ ისინი? ფაშისტურ უცხო სახელმწიფოს სამსახურში? ორი სამი კვირის ადრე იმასაც კი აბრალე-ბდნენ, ვითომ მათ კავშირი ჰქონდათ ეროვნულ პარტიებთან, ნოე ყორდანის მეთაურობით! პირველი ბრალდება ისევეა დასაჯებელი, როგორც მეორე. ეროვნულ პარტიებს სულაც არ ექვივრებათ ერისგან გარიცხულებთან კავშირი. მათი საშუალებანი ისევე სპეტაკია, როგორც მიზანი—სამშობლოს დახსნა აუტანელ ტყვეობისგან.

გარნა ეს არ გვიშლის ვიფიქროთ, რომ ბევრია გუშინდელ მოლაღატებში ისეთი, ვინც თვალს ახელს იმ საშინელ უფსკრულის წინაშე, საითკენ მათ მშობელი ერი გადისროლეს, ზოგნი სინანულსაც ეძლევიან, იქნება, თავს იხოკენ, მაგრამ გვიანაა; არა მათი გასვრილი ხელებით შეიძლება უსპეტაკეს საქმის გაკეთება, როგორცაა ქვეყნის აღდგენა, ტანჯულ ერის უზენაესობის ტახტზე დასმა.

ქართველმა ერმა არა ერთი მორალური გამარჯვება იგემა დაუნდობელ მტერზე ამ 17 წლის განმავლობაში, მაგრამ ეს უკანასკნელი გამარჯვება: გუშინდელ მოლაღატეთა ნიანგის ცრემლები მათ მიერ ლეჩაქ ახდილ მშობელ დედის წინაშე, თითოთ საჩვენებელი ისტორიული მოვლენაა მათ შორის. აბა გაიხსენეთ ის დრო, როცა თვით ეროვნულ პარტიების წევრებს აიძულებდნენ, ჩეკის «გახურებულ შანთებით» გადაეთქვათ თავისი თავდადებული ერთგულება სამშობლოსადმი. ეხლა კი ამ ერთგულობისათვის თავისიანებსაც სვრეტენ! ხმელეთის მეექვსედს, «საერთო სამშობლოს» ღალატობენ, საქართველოს გამოყოფას ღამობენ!

ღიახ, სხვა პოლიტიკური დანაშაული, ბრალდება, დღეს უკვე არ არსებობს, გარდა საქართველოს დამოუკიდებლობის აღდგენისა. ამაში ამტყუნებენ, მხოლოდ ამისათვის სჯიან არა მარტო მამულიშვილებს, არამედ მამულის უარისმყოფელთაც. და ასეთები თანდათან კლებულობენ კომუნისტურ პარტიაშიც. ნუ დაივიწყებთ, რას გვწერდნენ საქართველოდან: მუშა, გლეხი, ინტელიგენცია, დიდი და პატარა, მთელი ხალხი ანტირუსული გრძობებით არის გაქლენილი. თუ მივიღებთ მხედველობაში, რომ ჩვენს შემდეგ მთელი ახალი თაობა წარჩინარდა, განა გადაჭარბებულია ვიფიქროთ, რომ ის ახალგაზრდობაც, ვისაც თავი კომუნისტურად მოაქვს, სინამდვილეში ანტიკომუნისტურად, ანტირუსულად სუნთქავს? განა ყოველ ნაბიჯის გადადგმაზე არ რწმუნდება ის, როგორ დაუპატიებლად ეპატრონება რუსი მის მიწა-წყალს, ავლადიდებს,

სახელმწიფო და ეკონომიურ პოზიციებს? განა არ გრძობს ის, რომ მისი მწერლობა, ხელოვნება, მეცნიერება რუსის კლანჭებშია?

ჩვენ თამამად შეგვიძლია ვსთქვათ, ტყვეობის ამ მე 18 წლის თავზე, რომ ქართველი ერი არასდროს არ ყოფილა ისე გაერთიანებული, დარაზმული, გაქლენილი ერთის გრძობით და აღჭურვილი ერთის ნებისყოფით, როგორადაც დღეს. ის უკვე თავისუფალია სულით, რაიცა უტყუარი თავდებია მისი ხორციელი განთავისუფლებისა.

და ამას ამხელს თვით მოსისხლე მტერი! მოიგნეთ ერთი ღირსშესანიშნავი ფაქტი. ყოველთვის, როცა საქართველოს ახსენებს, მოსკოვი უთუოდ დასძენს, რომ იქ პატრიოტი თუ კომუნისტი მხოლოდ და მარტო შეთქმულობას აწყობენ ქვეყნის საბჭოთა კავშირიდან გამოსაყოფად, მისი დამოუკიდებლობის აღსადგენად. უცხოეთს ისე სჯერა ეს ამბავი, ისე ბუნებრივად და კანონიერად სთვლის ამას, რომ თვით კონსტიტუციის ეროვნულ მუხლის მიღების დროს, შარშან, მისმა კორესპონდენტებმა მოსკოვიდან მოვლილ მოსდგეს, საქართველოს დამოუკიდებლობა აღადგინეს! საბჭოთა კავშირში ბევრი სხვა არარუსი ერია, მაგრამ არც ერთის დამოუკიდებლობაზე არ ვაპკვიან ამდენს.

ეს პრივილეგიური მდგომარეობა ქართველმა ერმა თავისი გმირული ბრძოლებით მოიპოვა და მას ხელი შეუწყო ჩვენი ეროვნული ცენტრის დაუძინებელმა მუშაობამ. რასაკვირველია, როცა მოსკოვი გაიძახის, რომ საქართველოს ბედით დაინტერესებულია ესა თუ ის დიდი სახელმწიფო, ამაშიც არ სცდება, მხოლოდ იმ განსხვავებით, რომ მის მიერ შეთხზული ავანტიურული მეთოდები, რომელსაც ვითომ ქართველი მოღვაწენი ხმარობენ, მათ ავტორთა ვერაგულ სიფლიდეს ამქლავნებს.

კავკასია ეკონომიურად, სტრატეგიულად, პოლიტიკურად ევროპა-აზიის ერთ-ერთ უმნიშვნელოვანეს წერტილს წარმოადგენს, განა რა გასაკვირია, რომ სახელმწიფონი მას თავის გენერალური პოლიტიკის განუყრელ ნაწილად სთვლიდნენ? ხოლო კავკასიის პოლიტიკური ხერხემალი, თუ შეიძლება ასე ითქვას, ქართველი ერია. უკანასკნელი გრძობს მთელს თავის პასუხისმგებლობას არა მარტო საკუთარ, არამედ მის მეზობელ ერთა მომავლის წინაშეც.

ეს მომავალი კი კავკასიის ოთხივე ერის კონფედერაციაში იპოვის თავის განსახიერებასა და უზრუნველყოფას. ტფილისის უკანასკნელი დახვრეტები უტყუარი მაჩვენებელია იმისი, რომ გმირთა გმირი ქართველი ერი სასიქადულად შეასრულებს თავის ისტორიულ მისიას.



დ ა შ ნ ა კ ე ლ ე ბ ი დ ა კ ა ვ კ ა ს ი ა

სომხურ პრესაში დიდი სჯა-ბაასია. არკვევენ, თუ როგორი უნდა იქნეს სომხეთის პოლიტიკა რუსეთის მიმართ, როგორც მშვიდობიანობის, ისე სავრთო გართულების დროს. პრესის ამ მუსაიდოში და ურთ-ერთთან კამათში აშკარად მოსჩანს ერთი გარკვეული ხაზი—რუსეთის ორიენტაცია. ამ ხაზზე გაერთიანებულია დაშნაკელები მცირედი გზნაკ-ლისით, რამკავარი (სომხის ლიბერალები) და კომუნისტები. განსხვავება იწყება მხლდ იქ, სადაც რუსეთ-თურქეთის მეგობრობის საკითხი დგება. სხვა კითხვები: კავკასია, მეზობლები და მათზე ორიენტაცია მათ მსჯელობიდან გამორიცხულია. აბა სომხეთის დამოუკიდებლობაზე, თავისუფალ კავკასიის კავშირში მის მოწყობაზე ლაპარაკი ხომ ზედმეტია. თითქოს, ეს საკითხები მათთვის არც კი არსებობდენ. ხოლო თუ ამ საგანზე აქა-იქ გაკვრით რამეს იტყვიან—ეს მხოლოდ მაშინ, როდესაც სიტყვა საქართველოს გინებაზე ჩამოვარდება.

თუ სომხის ემიგრაცია გაერთიანებულია ორიენტაციის საკითხში, საორიენტაციო მიზანიც გამოჩნახულია,—მამ რაზე დაობენ და სად არის მათ შორის განსხვავება?

დაშნაკელების აზრით «ჩვენ მშვიდობიანობის დროსაც არ შეგვიძლია და არც გვინდა საბჭოთა რუსეთის წინამდგე იდეური ბრძოლის ფარგლებს გავცილდეთ... ხოლო თუ ომი ატყდა, მაშინ სომხეთის ემიგრაციამ განურჩევლად პარტიისა და პოლიტიკური რწმენისა უნდა დაიცვას რუსეთი». (აიჩენიკი, 21 მარტი, 1937 წ.). ხოლო რამკავარები და კომუნისტები მოითხოვენ საბჭოთა კავშირის წინამდგე «იდეურ ბრძოლაზედაც» ხელის აღებას და დღესვე მისთვის მხარის დაჭერას.

და მართლაც, თუ სომხები გრძობენ რუსეთთან დაკავშირებას და გართულების დროს მისთვის მხარის დაჭერის აუცილებლობას, რატომ არ უნდათ ხელი აიღონ «იდეურ ბრძოლაზე» და დღესვე გვერდში ამოუდგენ მას, რომ უფრო მომზადებული შეხედეს მოსალოდნელ ომს? ამაზე თვით «აიჩენიკი» იძლევა გარკვეულ პასუხს. «აქ არ უნდა დავივიწყოთ—სწერს განეთი—ერთი მნიშვნელოვანი ფაქტი, სახელდობრ ის, რომ საბჭოთა რუსეთი დღესაც თურქეთის მეგობარი და მოკავშირეა. გამოდის, საკმარისია ეს «მეგობრობა» მოიშალოს, თურქეთის და რუსეთის ზნები გაიყონ, რომ დაშნაკელები, როგორც ერთი კაცი, რუსეთის მხარეზე დადგენ. სულ ერთია ეს მეგობრობა ომით შიიცვლება, თუ რუსეთის მგლისის მზგავსი ურთიერთობით. აქ, მართლაც, გაურკვეველი და ბუნდოვანი არაფერია. საკითხი დაყვანილია რუსეთ-თურქეთის მეგობრობაზე; დავიწყებულია საკუთარი დამოუკიდებლობა. კავკასიის მთლიანობის აუცილებლობა და მისი თავისუფალი სახელმწიფოებრივი ბრძოლის გზები!

ესლა ნათელია, რატომ სომხობის მეთაურები მცირედი გამოკლებით უცხოეთში გაუბრდენ კავკასიურ გაერთიანებებს, მისგან იჯმნიდენ, როგორც

ეშმაკისაგან. ცხადია, კავკასიის გაერთიანებაში თავის გაყოფა, მის ნიადაგზე დგომა და დამოუკიდებლობისათვის ბრძოლა გულისხმობს რუსეთის ფარგლებიდან გამოსვლას, მის პოლიტიკა-ორიენტაციასთან კავშირის გაწყვეტას—ბარიკადის მეორე მხარეზე ჩაჯდომას. ამას კი ვერ იზამ, თუ უზურში რუსეთთან ერთად ყოფნა გაქვს, მისი ჯარებით ოდესლაც დაკარგულ ტერიტორიების დაბრუნება გულზედ ავგაროზად გკივია. იტყვიან, სომხებს უფლება აქვთ, ის პოლიტიკა აწარმოვონ, რომელიც მათი ერისთვის უფრო სასარგებლოდ მიჩნიათ. მართებული თქმაა. მაგრამ ეროვნულ სიფაქიზედ ისიც არავის გამოუცხადებია, რომ მოძმე ერებს ერთობაზე ეფიცო და გულში კი მათ მტერთან მეგობრობა გედოს.

დღემდის დაშნაკელები კავკასიის კონფედერაციაში შემოსვლის ძირითად პირობად «ორ ფრონტზე ბრძოლას» აყენებდენ. მათ არ უნდოდათ, ეცნოთ პრიორიტეტი რუსეთის საკითხის და მის წინამდგე დღესვე დარაზმვის, მათი მოთხოვნა იყო ბრძოლა რუსეთის და თურქეთის წინამდგე და შინაურ სადაო ტერიტორიალურ საკითხების წინასწარ აქ, ემიგრაციაში, მოგვარება. აი, ორი მთავარი მუხლი, რომლის მომიზნებით სამწუხაროდ კავკასიასთან საერთო დგომა უარყვეს. მიუხედავად ამ ორი დებულების მიუღებლობის და უადგილობრისა, ეს მაინც არ იშნავდა დაშნაკელების მიერ დამოუკიდებლობისათვის ბრძოლაზე ხელის აღებას. ესლა კი ირკვევა, რომ მთავარი ეს კი არ ყოფილა, არამედ ორიენტაცია რუსეთზე და ამასთან კავშირში ბრძოლა თურქეთის წინამდგე. თითქოს კავკასიაში თურქეთი იჯდეს და არა რუსეთი. ხოლო «იდეური ბრძოლით» მობოდიშება არაფერს ნიშნავს, გარდა რეჟიმის წინამდგე ბრძოლისა.

და რომ ემიგრანტ სომხების პოლიტიკა სამწუხაროდ მხოლოდ რეჟიმის წინამდგე ბრძოლას ნიშნავს და არა ბრძოლას დამოუკიდებლობისათვის—ამას ნათლად გვიხატავს დაშნაკელების ორგანო «აიჩენიკი» თავის მოწინავეში.

იგი სწერს: «თუ საბჭოთა რუსეთი არ იქნება მოკავშირე თურქეთის, მაშინ ის იძულებული გახდება, თავისი ინტერესების მიხედვით, აწარმოვოს კავკასიაში ისეთი პოლიტიკა, რომელიც უპასუხებს სომხობის ინტერესებს... გააძლიერებს სომხების პოზიციას. ამ შემთხვევაში სომხეთის ყველა პარტიებმა გამოუკლებლივ მხარი უნდა დაუჭირონ საბჭოთა მთავრობას არა მარტო ომის დროს, არამედ ისეთ მერყევე ვითარებაში, როგორსაც განვიცდიოთ დღეს» («აიჩენიკი», 9 მაისი, 1937).

მაგრამ როგორ უნდა «აიჩენიკს», მხარი დაუჭიროს» რუსეთს, როდესაც ამ უკანასკნელის წინამდგე და თავისუფლებისათვის ბრძოლაში შეურთიგებელნი არიან საქართველო, აზერბაიჯანი და მთა? ნუ თუ ისინი ფიქრობენ, ითამაშონ ათარბეკოების, რუბენების და სხვების როლი კავკასიაში, როდესაც



ეს უკანასკნელი მოსკოვის ბრძანებით 1924 წელში ხელფეხ შებორკვილ ქართველობას საბჭოთალოს ორხევებში ხვრეტდენ? ან კი რას ნიშნავს და ვის ხარჯზე უნდა მოხდეს «სომხების პოლიტიკების გამაგრება» კავკასიაში? ამ ამონაწერში განსაცვიფრებელი სიცხადით მოსჩანს ძველი, ცნობილი ყურანტი ცარიზმის პოლიტიკის და მის კუადზე გზობნილი ზოგიერთი დაშნაკელის. აქ ანალოგია მეტად მდმნიბლავია, მაგრამ ჩვენ მაინც არ მივცენთ ჩვენს თავს ნებას, რომ ემიგრანტების ეს გზაბხეულობა მსცლერს მივაწეროთ.

ამის შემდეგ ჩვენთვის ნათელია უცხოეთში გადმოხვეწილ დაშნაკელების დიდი ნაწილის პოლიტიკა. ის ემზადება რუსეთის ლიანდაგზე გადასასვლელად, ხოლო სანამ არ გადასულა, აგრძელებს რეჟიმის «იდეურ კრიტიკას» თავისი მრევლის შესაქცევად. აქ დაშნაკელი თავის თავის ერთგული რჩება. წარსულში, დამოუკიდებლობის დროს, ის გაუბროდა საქართველოსთან და ახერბაიჯანთან მუიდროდ დაკავშირებას, თავის ბედის მათ ბედთან გადამბვას და საერთო ძალით კავკასიის დაცვას. ახლა იგივე პოლიტიკაა: გარედ ცქერა, მეზობლების აბუჩად ავლება და კავკასიის დამოუკიდებლობისთვის ბრძოლის მაგიერ რუსეთის კალთაში კვლავ თავის ჩადება.

განა უბასუხებს ეს პოლიტიკა კავკასიის სომხეთის ნამდვილ ინტერესებს? ჩვენ, ცოდვილნი, ამას ვერ დავიჯერებთ. დედამიწის ზურგზე კავკასიის სომხობა ერთად-ერთი კომპაქტიური მასა ისტორიულ ტერიტორიაზე დასახლებული. თუ გნებავთ ეს ის კერაა, რომლიდანაც უნდა გაღვივდეს სომხური ეროვნული სული და პოტენცია. ყველა პოლიტიკა, რომელიც ამ კერას დამოუკიდებლობას მოუპოვებს და დაიცავს—უადრესად ეროვნულია. ხოლო პოლიტიკა, რომელიც მის ბედს პრობლემატურ, გრძობების და შურისძიების სასწორზე დადებს—ანტი-სომხური და ანტიეროვნულია. ამდენეთად საერთო კავკასიური პოლიტიკა, კავკასიის ერების ერთობა და ერთად ბრძოლა დამოუკიდებლობისათვის—ჟემმარტი სომხური საქმეა, მისთვის ისტორიული პერსპექტივის გამხსნელი და მომავლის მაჩვენებელი გზაა. ვინც ამას ებრძვის და რუსეთთან ყოფნას და მისი საზვალეობით კი გულუბრყვილოდ თავისი ეროვნული კერის გამაგრებას ფიქრობს—ის კავკასიის და თავის ერის მტერია და აქ მობინადრე ერთა შორის შუღლის და მტრობის მთესველია.

ამ მხრივ დამახასიათებელია დაშნაკელების ემიგრანტული პრესის გამოლაშქრება საქართველოს წინამდეგ. თუ ვ. ავარონიანს დაუჯერებთ, დღეს ტფილისის მისცემია «ისეთი ხელსაყრელი შემთხვევა კავკასიაზე ბატონობის, რომელზედაც ოცნებაც კი არ შეეძლოთ უკიდურეს ქართველ ნაციონალისტებს. მთელი რუსეთი დღეს ვანიციდის საქართველოს ბატონობის ეპოქას. მოსკოვში ზის ქართველი სტალინი, ტფილისში კი მისი მოადგილე ქართველი ბერია» («აირენიკ», 25 აპრილი 1937). გამოდის სტალინის და ბერიას საქართველო «გაუბედნიერე-

ბიათ». ამის შემდეგ რაღა დარჩენია საცოდავ საქართველოს, თუ არა დაიჩოქოს სტალინის წინაშე და შენდობა სთხოვოს? მაგრამ გასაშტერებელი ის არის, რომ ეს მხოლოდ «აირენიკს» აქიდან შეუმჩნევინა, ხოლო ეს უმადური საქართველო მის «გამაბედნიერებელ» სტალინს დღემდის გაშმაგებით ებრძვის. მაგრამ მაინც რაში გამოიხატა სტალინის ეს «სიუხვე»? «უსაბერის» სიტყვით «ბერიას ნებართვით და კუთხვევით საქართველოს ნება დართეს რუსთაველის და ილ. ჭავჭავაძის იუბილე გადაიხადონ», ხოლო სომხებს კი თავისი ნაციონალური მწერლების მოხსენიების ნებასაც არ აძლევდნო. მეტად სამწუხაროა, რომ სომხის ერის მესაიდუმლე რაფის იუბილეს გადახდის ნებას მოსკოვი არ აძლევს ერევანს, მაგრამ აქ საქართველო რა შუაშია? სტალინის და ბერიას საქმენი საჯალათონი ვის შეუძლია ქართულ საქმედ გამოაცხადოს და მისთვის საქართველო პასუხისმგებელი გახადოს? ვინ იტყვის, რომ სომხედს ისეთივე უფლება არ აქვს, როგორც საქართველოს თავისი ისტორიული პირები მოიგონოს, მაგრამ თუ მოსკოვი მაინც სხვანაირად იქცევა და არა ასე—შეუძლებელია ეს სტალინის ქართველობით და მისი «საქართველოს სიყვარულით» აიხსნას. აქ როლს თამაშობს არა სტალინის ქართველობა, არამედ მოსკოვის პოლიტიკა, რომლის მიზანია კავკასიის ერებში შუღლის და შურის თესვა. ამის წარსული მაგალითები «აირენიკმა» და «უსაბერმა», ალბად, ჩვენზე უკეთ იციან. მაგრამ არ უნდათ მოვლენას ბუნებრივი ახსნა მისცენ. მათთვის სტალინი და საქართველო ერთია, ორივენი რუსეთს განაგებენ და ერთად განაწამებ სომხეთს ჯიჯგინან!

ამას «უსაბერიც» იმეორებს. იგი სწერს: «სტალინი და ბერია უფრო ქართველებია; ვინემ კომუნისტები, ამასთან არა მარტო ხორციით და სისხლით, არამედ სულით და გულით. ვინდათ საბუთები? აი, ის განსაკუთრებული წყალობა და უფლებები, რომელსაც აგერ 10 წელია საქართველო სარგებლობს პოლიტიკურ და ეკონომიურ სფეროში. ყველა ეს ნაციონალური უპირატესობანი და განსაკუთრებული ყურადღება მიუძღვნა თავის ხალხს და სამშობლოს სტალინმა და ბერიამ» («უსაბ», 24 მაისი 1937). აბა ამაზე რაღა გვეთქმის? ასეთ რამეს საქართველოზე მისი მისისხლე მტერიც კი ვერ დასწერდა. «უსაბერი» ვალდებულია იცოდეს, რომ სტალინი ის «ქართველია», რომელმაც ეს მისი «საყვარელი სამშობლო» ჯერ რუსის ჯარებით დაიპყრო და მერმე ფიზიკურად გაანადგურა. მან არ დაინდო ათასობით ქართველობა და მათი ძვლებით საქართველოს მთაწარეები და ციმბირის ცივი მიდამოები აავსო. ამის შემდეგ მზგავსი რამეების წერა, ნუ თუ არ გრძობს «უსაბერი», რომ ქართველი ერის და მისი წმინდა მსხვერპლის შეურაცხყოფაა?! ჩვენ არ ვფიქრობთ «უსაბერის» ასეთ არამეზობლურ და შეუწყნარებელ გამოლაშქრებამ თვით პატიოსანი სომეხი პატრიოტიც არ ააღლევოს.

დაბოლოს ყველაფერს ამას სწერს «უსაბერი» მხოლოდ იმისთვის, რომ მკითხველი დაარწმუნოს სტალინის «ნაციონალისტობაში», რომელიც თუ-



რმე იმაში გამოიხატება, რომ «სტალინის კონსტიტუციით საქართველოს და აზერბაიჯანის საზღვრები უცვლელი რჩება, რითაც კარაბახი, ნახიჭევანი, ზედა განჯა და ახალქალაქი სამუდამოდ ჩამოეჭრა სომხებს» (იქვე). ამაზე იტყვიან «თავს ქრიდენ და თმას სტიროდაო». დღეს, როდესაც მთელი კავკასია მტერს ხელთ უპყრია, როდესაც ტფილისი, ბაქო და ერევანი რუსის საჯიჯგნად გამხდარა—«უსაბერო» შინაურ მიჯნებზე დაობს და ეს სომხის ერის უმაღლეს ინტერესებად გამოაქვს. ვანა მან არ იცის, რომ სანამ ტფილისი, ბაქო და ერევანი არ განთავისუფლებულან რუსეთის ბატონობისაგან. სანამ ისინი არ გამხდარან დამოუკიდებელ კავკასიურ ცენტრებად,—მანამ ზედმეტია მოთქმა შინაურ საზღვრებზე. ან კი რა მნიშვნელობა აქვს, გარდა ადმინისტრაციულია, თუ რომელ ჩეკისტის საბრძანებელში იქნება ესა თუ ის რაიონი? და ვანა ღირს ამაზე კავკასიის ერებს შორის შუღლის და მტრობის თესვა?

ჩვენ ვერ დავიჯერებთ, რომ დაშნაკელებს და მათ ვაზეთს ეს არ ესმოდეთ. მაშ რაშია საქმე? პასუხი ერთია: დაშნაკელებს გულწრფელად ვერათ, რომ რუსეთი სომხეთის მეგობარია; რომ სტალინის ადგილას მოლოტოვი იყვეს—ის სომხის ერს გააბედნიერებდა, მას კავკასიაში პრივილეგიურ მდგომარეობას შეუქმნიდა. ეს არა მარტო მათი რწმენაა, არამედ პოლიტიკური ხაზი და ეროვნული ორიენტაცია. ეს რომ ასე არ იყვეს, მაშინ ისინი ორიენტაციას აიღებდენ არა რუსეთზე, ან რუსეთ-თურქეთის განწყობილებაზე, არამედ კავკასიის მთლიანობაზე, მის პოტენციურ ძალაზე და მეზობლებთან ერთად ბრძოლაზე. ამის სამაგიეროდ მეტს არაფერს სწერენ, გარდა იმისა, რომ მოსკოვი და სტალინი საქართველოს სწყალობს, მასზე ზრუნავს და სომხეთს კი აღრჩობს. წარმოიდგინეთ ხანჯიანის (სომხეთის კომპარტიის მდივანი) მკვლელობაც ქართულ საქმედ უნდათ გაასაღონ. ვითომც ბერძნის ის იმიტომ მოეკლას, რომ სომხის პატრიოტი იყო! ეს თუ ასეა, მაშინ, როგორ ხსნის დაშნაკელების პრესა ბ. მდივანის, ტორაშელიძის, ოკუჯავას და სხვების იმავე ბერძნის მიერ დახვრეტას? ხომ არ ფიქრობს, რომ ესენიც სომხეთის ჩასაქოლავად დახვრეტეს? თუ დაშნაკელების ლოლიკას გავყვებით, ესლა ჩვენ უნდა დავიწყეთ ყიყინი და უფრო მეტი საბუთით, რომ ბერძნის დახვრეტა ათეული გამოჩენილი ქართველი კომუნისტი, ხოლო სომხეთში კი მარტო ხანჯიანი—მამასადამე, ბერია მფარველობს სომხობას და ანადგურებს საქართველოს. ვანა ეს იქნებოდა ეროვნული პოლიტიკა—შესაფერისი კავკასიის ინტერესებისათვის? ან კი ვისთვის არის საქირო ერთი ჩეკისტის მიერ მეორე ჩეკისტის მოკვლა სომეხ-ქართველთა დამოკიდებულების საგნად გახადეს?

სომხურ პრესაში ატეხილი მთელი ეს უადგილო განგაში, ჩვენ მხოლოდ მეტად მწარე ფიქრებს გვიძრავს. მისი ნამდვილი სარჩული გვაფიქრებს და გვალმობს. ამ იუვეებს ჩვენ ის უფრო გვიმტკიცებს, რომ უკანასკნელი ცნობებით კავკასიაში ქართველებსა და სომხებს შორის ღვივდება შუღლი და

მტრობა. ეტყობა გამოცდილი და ნაცნობი ხელი იქაც მოხერხებულად მოქმედებს. იმის მაგიერ, რომ აქ, სადაც შესაძლებლობა გვაქვს, ერთად გამოვიდეთ და ორივე ერისათვის დამლუპველ მტრის მუშაობას და პროვოკაციას ნიღაბი ავხადოთ და შევებრძოლოთ; ჩვენი საერთო ხმა, რჩევა და გაფრთხილება იქაც კავკასიის ვაწვდინოთ—დაშნაკელები თავის განუთებში ცეცხლზე ნავთს ასხამენ; კავკასიაში დაწყებულ მტრის საქმეს აქ აგრძელებენ, მოსკოვის სისაძაგლეს ქართველ ხალხს აწერენ და მის საქმედ ასალებენ!

კავკასიაში სომეხ-ქართველთა შუღლი და მტრობა ჩვენთვის ყოფნაარყოფნის საკითხია. თუ მტერმა შესძლო ამის განადგება—მაშინ კავკასია თავისუფლებას ვეღარ იხილავს. და საეჭვოა სომხეთმაც ის პატარა კერაც შეინარჩუნოს, რომელიც მას დღეს კიდევ დარჩა კავკასიაში.

ჩვენ ღრმად გვწამს, რომ სომხის ერს კარგად აქვს ეს შეგნებული და ამაზეა კავკასიის იმედიც. «იირენიკის», «უსაბერის» და სხვების ემიგრანტულ პოზიციას ის ვერ გაიზიარებს. ამის თვალსაჩინო მაგალითია 1929-31 წლები; სომხის გლეხობის აჯანყებები და საოკუპაციო ხელისუფლებასთან სისხლიანი შეტაკებები; როდესაც ის მხარდამხარ იბრძოდა ქრისტიან დამუსულმან მეზობლებთან ერთად. ჩვენ ვეჭვობთ, სომხის ხალხს ეს რეჟიმთან «იდეური ბრძოლის» ნიშნით მოეხდინოს. მეტი საბუთია ვიფიქროთ, რომ ეს და ამის შემდგომი ამბები იყო სომხის ერის მტკიცე გადაწყვეტილება—იქნეს თავისუფალი და დამოუკიდებელი რუსეთისაგან მის მოძმე ხალხებთან ერთად.

საერთოდ ცნობილია, რომ ერი მთლიანად ნაკლებად ცდება. შეიძლება მისი ესა თუ ის ხელმძღვანელი ჯგუფი დაიბნეს, სწორი გზა დაკარგოს. მაგრამ ერი—არასოდეს. ის მუდამ ეძებს და პოულობს გამოსავალს შექმნილ მდგომარეობიდან და ჩვენ გვწამს, სომხის ერმაც იპოვა ეს გზა. მან კარგად იცის, რომ გადამათიელი მას ვერ დაიცავს, ტკივილებს ვერ დაუამებს. ის მუდამ იქ იქნება, სადაც მის ბედში მყოფნი არიან, ვისი მწუხარება და სიხარული თავისად გაუხდია. ასეთია მისი კავკასიური მეზობლები: საქართველო, აზერბაიჯანი და მთა. შეუძლებელია საუკუნოებით ერთ ბედში მყოფ ერებს პოლიტიკურმა მიმდინარეობებმა გზაკვადი აუბნინონ. მის ისტორიულ სავალ გზას აადინონ. მთავარია კავკასიის ერთგმა თანხმობა და ერთობა შეინარჩუნონ, მტრის ანეკეს არ წამოეგონ და ურთერთ შორის შუღლის თესვის საშვალეობა არ მისცენ. ხოლო დაშნაკელებს უნდათ თუ არ უნდათ, კავკასია და მასთან ერთად სომხეთი თავისუფალი უნდა იქნეს, წინააღმდეგ შემთხვევაში ვეჭვობთ სომხის ერმა მეტი მოიგოს.

დაბოლოს, დროა დაშნაკელებმა თავი გაანებონ თავის ძველ პოლიტიკის—სომეხ-ქართველთა დაპირდაპირებას, ფაფორიტის როლის ძიებას და ამით კავკასიაში რუსეთის საქმის კეთებას.

სან. მანი.

ნ ა ვ ს ი ბ ა ტ ე ლ ა

(ბოლშევიკების წინამძღვე)

III. ანდრიუ სმისი.

ასეთია დღევანდელი შენდულობა საბჭოთა ცხოვრებაზე ორი ისეთის მწერლის, რომელნიც გუშინ კიდევ ალტაცებით უყურებდნენ და ტაშს უკრავდნენ იმას, რაც საბჭოთა კავშირში ხდებოდა.

ბუჩუყები არიანო, სტჟვან იქნება და სტჟვა კიდევ საკავშირო პრესამ.

მაგრამ იმ კომუნისტ მუშებისას რაღას იტყვიან, გულამდგრეული რომ გვიამბობენ საბჭოთა «მილწევათ» და იქაურ «სამოთხისებურ ცხოვრების ნეტარებათ». აი, ამერიკელი მუშა ანდრიუ სმისი. შორს, ამერიკაში მისილიდა ამას ხმა რუსეთის ამბებისა. სულგანაბული უგდებდა სმისი ყურს კომუნისტ-პროპაგანდისტებს; ბოლოს ვერ გაუძლო ამ ბედნიერ ქვეყნის ნახვის სურვილს. დაჰკრა ფეხი და წავიდა მოსკოვს, რომ თავის თვალთ ენახა ეს საინტერო ქვეყანა და დამტკბარიყო მისის მშვენიერებით.

ამერიკელი სტუმარი დიდის პატივით მიიღეს. აჩვენეს სკოლები, თეატრები, საავადმყოფოები; აქამეს ხიზილა და ასვეს კახური ღვინო. სასტუმროში მეფურად მოაწყვეს. ავტომობილი, რკინის გზის მშვენივრად მოწყობილი ვაგონები. ამერიკელი სიხარულით ცას ეწყოდა,—აი, ქვეყანა ეს არის და ხელისუფლებაც ასეთი უნდაო. დაბრუნდა ამერიკაში, წამოიყვანა ცოლშვილი და წამოვიდა რუსეთში საცხოვრებლად.

აქ უცხოელ ტექნიკოსის სახელით დაიწყო მუშაობა, მაგრამ პირველსავე დღეს ელდა ეცა: ხობებსა, ხაჰაპურებსა და კახურს ვინა დაეძებდა. პირველი სადილი შესდგებოდა დამპალ თევზის წვნისაგან, ჰარხლისა და მყავე პურისაგან. ნუ დავივიწყებთ, რომ როგორც უცხოელს, მას მაინც მორიდებულად ექცეოდნენ. ეს პირველი შთაბეჭდილება, აი, შემდეგიც.

ქარხანაში მუშები უზომოდ მუშაობენ, რათა დრო არ დაკარგონ და რაც შეიძლება მეტი დაამუშავონ,—თორემ «თუ დანიშნული ნორმა არ შევასრულე, უნიკლების და ზარმაცების დაფაზე გამოაფენენ ჩემს სახელს, და მეკი... ცოლი მყავს და ორი შვილიო»(!), უამბობს სმისს ერთი რუსის მუშა, სამუშაო იარაღს არ უფრთხილდებიან, ძალზე ამუშავებენ და აფუჭებენ.

— თვალ აუღებლივ უნდა ვიმუშავო, რომ რამდენიმე მანეთი ვიშოვო, უთხრა სმისს იმავე მუშამ. მაშინები არც თვით უფროსს ენაღვლება, მანაც თავისი ნორმა უნდა შეისრულოს.

და ამას ეძახიან რუსეთში შრომის თავისუფლებასო, ამბობს სმისი. მეორე სიცრუე, რომლითაც გამოგვიჭედეს ყურები, მუშების განთქმული სახლებია, მზის სხივებით და ჰაერით სავსე.

ბევრი გავიცანი მუშა. ერთმა მათგანმა, მოსკოვის მახლობლად ელექტროქარხნის მუშამ მიმიწვია თავისას. მივედი. ჩემი ნაცნობი 550 სხვა მუშა-

სთან, ქალთან და კაცთან ერთად, სცხოვრობს ხის შენობაში, რომელსაც ას მეტრამდე სიგძე აქვს და რომელიც ერთ უშველებელ ოთახს წარმოადგენს. 500 ვიწრო საწოლია. ზედ ბნით ან თივით გატენილი ტომრები და არც ბალიწი, არც საბანი. ზოგს არც ასეთი საწოლი ჰქონდა და პირდაპირ იატაკზე ეყარნენ. ლოგინებზე დღე რომ ერთს ეძინა, ღამე სხვა წვებოდა. არც ტანისამოსის შესანახი რამ განჯინა; ან კი რა საქირო იყო,—ამ ხალხს არა გააჩნდა მის მეტი, რაც ტანთ ეცვა.

ფრანგული ვაზეთი, რომელიც სმისის წერილს ბეჭდავს, დასძენს: ჩვენში, საფრანგეთში ცხენებს, მალღებს და ღორებსაც კი თუ უკეთესი არა, ელექტროქარხნის მუშების ბინებზე უარესი არა აქვთ.

არც გლეხობის მდგომარეობაა უკეთესი საბჭოთა «სამოთხეში».

— ცოლი და სამი შვილი მყავს, ეუბნება გლეხი სმისს. გათენდება თუ არა, მივდივარ ყანაში და ვკრებ კომბოსტოს ფოთლებს, სტაფილოს და რასაც ვიპოვი. მომაქვს ყანარმაში, სადაც ორას სხვა გლეხთან ერთად ვცხოვრობ; ვდებ მოტანილს ქვაბში, რომელსაც კოლექტიურ ცეცხლზე ვდგამ. უკარაქთ, უქონთ, ზოგჯერ უმარილოდაც. ეს წვენი და შავი პური ჩემი ოჯახის მთელი სადილი.

— განა კოლექტიური სასაბჭოთა არა გაქვთ?

— კი, მაგრამ იქ ჰამა 40 კაპეიკია სულზე. სად შეგვიძლიან,—მეორე ქვაბში წყალს ვაცხელებ და სტაფილოს ან ქართოფილის გამხმარ ფოთლის ჩაის ვამზადებ და ამისთანა პურს ვატანთ, და გამოძიოდა რაღაც თიხის ნამტვრევის მსგავსი. ამას პურის მხოლოდ ბზე აქვს, სელის მარცვლები და ვინ იცის რაო.

ანდრე სმისს ყელი ასტკენია და ამ გარემოებამ გააცნო საკავშირო საავადმყოფოს.

— შევედი თუ არა, ერთხანტელმა დამიარა, ამბობს სმისი, და წინანდელზე უფრო ცუდად ვიგრძენ თავი. საეკიმო იარალი, ოდესღაც პრიალა და თეთრი, ზოგი ჭუჭყიანი და ზოგი დაყანგებული, ერთმანერთში არეული ეყარა მაგიდაზე. მათი სტერილიზაციის საკითხიც არ იმყოფა, და ერთის ავადმყოფიდან მეორეზე ისე გადადიოდნენ, რომ ჩვარსაც არ გადაუხობდნენ. მომვლელებს ისეთი ჭუჭყიანი ხალათები ეცვათ, რომ მათ ფერსაც ვეღარ გაარჩევდა ადამიანი.

ბოლოს აი, რასა სწერს სმისი ქალების ბედზე.

ერთ მუშა ქალს ვიცნობდი, რომელსაც ქარხნის კომიტეტი უსაყვედურებდა, მიტინგებს არ ესწრებო.

— საბრალოს, სწერს სმისი, სამიტინგოდ დრო არ რჩებოდა. დილის ოთხ საათზე უკვე ფეხზე იყო და ჯერში ჩასადგომად მირბოდა. რამდენიმე საათის ლოდინის შემდეგ, თუ ბედი გაუღიმებდა, ელირსებოდა პატარა ნაჭერ პურს, თუ არა და სადამოს, ქარხნიდან გამოსული, ისევ უნდა ჩამდგარიყო კუდში. აქმევდა ბავშვებს შავ პურს, ფაფას, დაალევიებდა ადულებულ წყალს, დაწვევდა პირდაპირ იატაკზე, დაახურავდა კონკებს და... წაისობდა ტუჩებზე წითელს,—ამის შოვნას ახერხებდა,—ფერუმა-



რილს და მიდიოდა სასიეროდ იმ სასტუმროების წინ, სადაც უცხოელები ცხოვრობდნენ. დილის სამ საათზე უნდა შინ დაბრუნებულიყო, რომ ბავშვებისათვის ექმია, და იწყებოდა შეგნული დღე გაჭირვებისა. ქარხანაში ერთ საშიშარ მანქანაზე მუშაობდა, მაგრამ მისი აზრი შორს იყო მუშაობისგან. უძილოს, დაქანცულს თავი ძირს უვარდებოდა, თვლები ელოლებოდა და... ეს იმერებოდა ბავშვები და ბედნიერი შეხვედრანი მომავალ ღამეს...

მისდა საბედნიეროდ სმის ამერიკული ქვეყნებში დომობა და პასპორტი შეენახა, გაიბერტყა სამოთხის მტვერი და თავს უშველა.

მეორე კომუნისტი მუშა, კლებერ ლეგე, ფრანგი, რომელმაც რამდენიმე ხანი დაჰყო რუსეთში, ჩამოვიდა და თავის მოგზაურობის ანგარიში მისცა თავის პარტიას. აღარ მოვეყვებით იმის გადმოცემას, თუ რა იყო ეს ანგარიში; ვიტყვით მხოლოდ, რომ მისმა პარტიულმა კომიტეტმა აუკრძალა პარტიის გარეშე საჯაროდ გამოსვლა და საბჭოთა ამბების გადაშლა. ლეგე დაემორჩილა ამ ბრძანებას, მაგრამ ცლტა ხანს უკან გულში ვერ მოუთმინა, თუ სიტყვით არა, კალმით მაინც გამოსთქვა, რაც ენახა.

ანდრე ჟიდი, სელინი, ანდრიუ სმისი, კრებერ ლეგე და ტრედუნიონების მდივანი, ვალტერ სიტრინი, ან თანამგრობონი და მეგობარნი საბჭოებისა, ან თვით კომუნისტები, აი, ვინ გამოდიან საბჭოების სიტყუთა, მათის გაკოტრების გასამყდავებლად და გასაკიცხავად. ბრძმებსაც აეხილათ თვალი, და ნუ თუ ეხლაც, როდესაც ნავსი გატყდა, მოსკოვის თავისიანებმავე ახადეს ნიღაბი, დასავლეთის ქვეყნები არ მოვლენ გონს?

დაწმობისგლი.

**რუსთაველის იუბილე და
ქართველი ემიგრაცია**

მიმდინარე წელიწადი ეძღვნის შოთა რუსთაველს. უნდა ითქვას, რომ პირველი ექვსი თვე როგორცაა შეუმჩნეველად ჩატარდა, რაიცა ეჭვი არ არის იმისი მომასწავებელი უნდა იყოს, რომ ჯერ კიდევ განსავლელი წლის მეორე ნახევარი მიეკუთვნება სავსებით მოსნის უკვდავ სახელს ღირსებისა და შვენი-სამებრ.

სადიდებელი და სათაყვანებელი მისი სახელი ისედაც სცილდება ქაშადენის ნიშანდობლივობას,—მას მუდმივად და ბითუმად დაპყრობილი აქვს ქართველის გული და გონება!

რუსთაველის სიბრძნენი ერმა წარსტაცა ქართულ სიტყვიერებას და თქმულებებადა და ანდახებად შეიმტკიცა. შოთას მცნებათა განაარსებით საუკუნოების სივრცეზე მიიზიდება ქართული ზნე და ჩვეულება, აზროვნება და შეგნება, მორალი და ყოფაქცევა...

«ვეფხისტყაოსანი» საქართველოს სარკეა. ამ სარკეში ვეჭრეთ ხალხის ცხოვრებას—ერთბამადა

და უკლებლივად, მთელის შინაარსით: ავითა თუ კარგით, ჭირითა თუ ლხინით, წარმატებითა თუ დაკნინებით, ძლიერებითა თუ უძლურებით, ადფრენითა თუ დავრდომით, შეიოქმედებითა თუ უნაყოფობით...

გამოუთქმელმა განგებულებამ იწება, რომ «ქართლის» მესვეურთ მამულის დაშორებით შეესხათ და ექოთ იმისი სახელი, ვინც თავად შეფრქვევითა სთქვა და შეამკო საქართველოს გვირგვინოსანი, — სწორუბავარი, ნათელშემოსილი.

ჩვენ ზღაპრულ წეროებს დავემგავსენით. აყრილინი მამაპაპათა კერიდან, მიმოვებნიეთ სამყაროს კიდითკიდემდე. ხმა ჩვენი გახდა ყოველსა ქვეყანასა ერის წადილისა და ნების აღსრულებისათვის.

მთელ ამ ხნის მანძილზე მწუხარებასა და ძრწოლანზე მოთქმით ენა დაგვიშვრა და დაგვიშრა...

რუსთაველი შვიდი საუკუნით აგვაშორებს აწინდელს სიდუხჭირეს. ამასობაში ჩვენც შევისვენებთ: გადავიყრით ხაჯალათს, შევიმსუბუქებთ სევდით მოცულ მოქანცულ გონებას, ერთ ჰაზრსა და ფიქრს რომ დასტრიალებს დღემუდამ.

აწუცხო მკითხველსა თუ მსმენელს ჩვენ გავუშლით საქართველოს ოქროს ხანის ლად ფურცლებს; უცხოელებს დავანახებთ ერის სულსა და აზროვნებას—აღმადლებულსა და განსაუტაკებულს; მის წინ განივლიან ლანდები, რომელთა მეოხებით ქართული ბაირალი მზრუნველობით თავს დასტრიალებდა ყველა ქართველთა და არაქართველთ,—განათლებულ სამეფოსი ძლიერებით მოხიბლულთ, მისი სახელისა და პატივის თანაბარ დამცველთ...

თუ მშფოთარ ერეკლეს სისხლში ამოწობილ დაფლეთილ დროშის ქვეშ დასადგომად ოცნის და ჩერქეზნი ერთმანეთს ეჯიბრებოდნენ თამარის უძლეველი დროშა იმედით, სასოებით, შვეებით ალაგსებდა მთელი კავკასიისა და წინააზიის ხალხებს!

მაშინ ქართულმა სიტყვამაც მიადწია უმწვერვალესობას და მსოფლიო სიტყვაკანზულ ლიტერატურას შესძინა იშვიათი, უცნაური, მომჯადოებელი განძი, ქართული სახელის სილანათე და სიამაყე!

შოთას ეპოქის შეცნაურებით ევროპიელი ჩასვდება ჩვენი ერის წარსულის სიდიადეს და უმჯობესად მიხვდება მის ამქამინდელ მოუხვენარ ბრძოლის დედააზრს...

თითქმის ყველგან ევროპის დიდ ცენტრებში მოიძებნებიან ქართველები და მათ მოვალეობას შეადგენს აღნიშნონ ამა თუ იმ სახით ქართულ სიტყვიერების ქურუმის იუბილე, იშვიათი თარიღი ქართველი ერის ისტორიაში: ამიტომ ვთქვი, რომ ვქცეულვართ ზღაპრის წეროებად...

რომში 27 მაისს ბნ რაფიელ ინგილომ წაიკითხა ვრცელი ლექცია ამ სათაურით: Il Poeta Georgiano Sciota Rustaveli e la Sua epoca (In occasione del settimo Centenario della morte del Poeta).

ლექცია დაიყო ოთხ ნაწილად:
I. შესავალში ლექტორმა ეპიზოდურად აღნიშნა ისტორიული ცნობები, რათა უცხო მსმენელ-



თათვის გაეადვილებინა მოხსენების არსის შეთვი-
 ნება: საქართველოს მიმართულეებანი სხვადასხვა
 ხალხთა და სახელმწიფოებთან; კონტაქტი ძველ
 რომთან; ქრისტიანობა; საქუთარი საეკლესიო-სამა-
 რტიროლოგო-სააგიოლოგო ლიტერატურა; სამეც-
 ნიერო-სააკადემიო ცენტრები; სამონასტრო მღვ-
 წეობა; სახელგანთქმული ქართული საზღვარგარე-
 თელი მონასტრები და მუნ შექნილი სამეცნიერო
 ცენტრები; ტფილისი; მისი კულტურულ-ისტორი-
 ული მნიშვნელობა კავკასიის მოსახლეობათა ცხო-
 ვრებაში; ხანგრძლივი ბრძოლა აგრესიულ ისლამ-
 თან; საქართველოს დანაწილება; შემდგომი კონსო-
 ლიდაცია; ბაგრატი მესამე; თავით აღმაშენებელი;
 ქართული საერო ლიტერატურა; არაბულ სპარსუ-
 ლი გავლენა; ოქროს ხანა; თამარ მეფე; ქართული
 ორიგინალი ლიტერატურა; შავთელი; ჩანჩუხაძე;
 რუსთაველი...

II. «ვეფხისტყაოსანი» მოკლე შინაარსი.

III. პოემის ლიტერატურული გარჩევა; შედარე-
 ბითი-კრიტიკული მეთოდი: ვის-რამიანი; ტრისტა-
 ნი და იზოლდა; საღმრთო კომედია; რომეო და ჯი-
 ულეტა; პარსიფალი; «ვეფხისტყაოსანი» და სიყ-
 ვარული პროზა; რუსთაველი პირველი რომა-
 ნისტი მსოფლიო ლიტერატურაში სამძვრო გავ-
 გებით; რუსთაველი და სხვა ტიტანები: ომბროსი,
 ვირგილიუსი, დანტე, სერვანტესი, შექსპირი, გოეტე;
 რუსთაველი და დანტე; «გ-ტ-ნი» ქართველი ერის
 ცხოვრებაში.

«გ-ტ-ნი» სხვადასხვა ენაზე; ლექტორის განცვი-
 ფრება, რომ ამხნობამდის არ არსებობს იტალიური
 თარგმანი; ეს ნაკლი უნდა შეივსოს: თანამედროვე
 იტალიელების დაინტერესება საქართველოთი და
 კერძოდ შოთა რუსთაველით; ნეაპოლის სამეფო
 აღმოსავლურ ინსტიტუტის კონკურსი რუსთაველ-
 ნე, როგორც ერთერთი სამისო სიმპტომი.

IV. დანასკენი. რუსთაველის ხსენება დაპრო-
 ბილ საქართველოში, როგორც ერთი გამამხნევებე-
 ლი მოვლენათაგანი ბრძოლაში მყოფ ერისთვის;
 ემიგრაციის კულტურულ-პოლიტიკური როლი;
 ერთის სულისა და ნებისყოფის ქართველობა შინ
 და გარედ; რუსთაველის დღენი, ვითარცა სტიმული
 შეუთრეებელ ბრძოლის გაგრძელებისა—საქარტე-
 ლოს აღდგენისათვის...

ეს ლექცია მოაწყო ცნობილა საზოგადოებამ
 C. A. U. R-მა (სამომქმედო კომიტეტები რომის უნი-
 ვერსალობისათვის). კაეტანის სასახლის მოხდენი-
 ლი დარბაზი სავე იყო მოწვეული სტუმრებით.
 ლექციას დაესწრნენ, იტალიელების გარდა, რომში
 მობინადრე უცხოელთა კოლონიების წევრები: ინ-
 გლისელები, შვეიცელები, გერმანელები, პოლონე-
 ლები, ბერძნები, უნგარელები, ბულგარები, რუსე-
 ბი, უკრაინელები, რუმინები, სომხები, სირიელები,
 არაბები და სხვ.

ლექციის წინასწარ C. A. U. R-ის რომის საბჭოს
 თავმჯდომარემ გენერალმა მარიო სანიმ წარმოსთ-
 ქვა საქართველოსადმი მიძღვნილი მოკლე მგობნა-
 ბიერი სიტყვა; მანვე წარუდგინა დამსწრეთ ლექტო-
 რი, ვითარცა დამოუკიდებლობის დროის საქარტ-

ველოს პარლამენტის დეპუტატი, აწ თანაწევრი და
 თანამშრომელი პოლიტიკურ ემიგრაციისა, საქარ-
 ტველოს განთავისუფლებისათვის რომ იღწვის. ამ
 სიტყვებს საზოგადოება ტაშით მიეგება. მიუხედა-
 ვად იმისა, რომ ლექცია საათზე მეტი გაგრძელდა,
 ის მოხმენილ იქნა დიდის ყურადღებით. დამსწრე-
 თაგან ბევრნი გამომეცნაურნენ მომხსენებელს და
 სხვადასხვა კითხვებით მიმართავენ. ბ. ინგილომ
 დაარიგა შალვა ბერიძეს მიერ მეგობრულად გად-
 მოგზავნილი რამდენიმე ათეული სურათი შოთა
 რუსთაველისა.

ბ. ინგილომ განხრახვა აქვს, გარემოებამ თუ ხე-
 ლი შეუწყვა, ეს ლექცია განიმეოროს პირველყოფ-
 ლისა ფლორენციაში და ბოლონიაში.

X.

პარიზის მსოფლიო გამოფენა

ორი თვე შესრულდა, რაც პარიზის მსოფ-
 ლიო, ხელოვნების და ტექნიკის გამოფენა გაიხსნა.
 გამოფენის აგება არ არის დასრულებული, მას
 უთუოდ კიდევ საკმაო დრო დასჭირდება; განსაკუ-
 თრებით ჩამორჩენილია საფრანგეთის რელიეფი უ-
 რი, მეცნიერული და ინდუსტრიული პავილიონ-
 ნები, სადაც ხშირია მუშების გადცივები და ლოკა-
 უტი. მიუხედავად ამისა, დღემდის გამოფენის მნა-
 ხველთა რიცხვი ხუთ მილიონს აღემატება. პავილი-
 ონები, უკეთ მათი მოწყობილი სახელმწიფოები. წვე-
 ვილია დავეყთ სამ კათეგორიად: დიდი სახელმწი-
 ფოები, მცირე და საფრანგეთი თავისი მრავალსახის
 განყოფილებებით, რომელთა დიდი უმრავლესობა
 ზევით აღნიშნულ მიხეზით ჯერ კიდევ არ არის და-
 სრულებული. ამ სამ კათეგორიიდან ჩვენთვის, ქარ-
 ტველთათვის, განსაკუთრებით საინტერესოა ელდა-
 ხან განთავისუფლებულ სახელმწიფოთა პავილიონ-
 ნები. საერთოდ დიდი სახელმწიფოების პავილიონ-
 ნების შედარება მცირეებთან არაა დიდებისათვის
 სასარგებლო. დიდ სახელმწიფოებში სამი—რუსე-
 თი, გერმანიისა და იტალიის ტოტალიტარულ რეჟიმის
 მატარებელნი არიან და, როგორც ასეთნი, მათი პავი-
 ლიონები ამ ნიშნით დალ-დასმული ბუნებრივად
 ეწინააღმდეგებიან დანარჩენებს. დიდ სახელმწიფოთა
 შორის, საერთო აზრით, ყველაზე უკეთ, მდიდრუ-
 ლად და ხელოვნების დიდი გემოვნებით წარმოდგე-
 ნილია იტალია. ფაშისტურ რეჟიმის მიღწევები ნა-
 ჩვენებია მეტად მოხერხებულად და არ სტოვებს
 საკუთარ რეჟიმის ვადაქარბებულ რეკლამის შთა-
 ბუქდილებას, რასაც სხვაგან არასასიამოვნოდ განი-
 ცდით (რუსეთის განყოფილებაში).

იტალიის შემდეგ გერმანიის პავილიონის შინა-
 განი მოწყობა გეჩვენებთ მძიმედ, თუმცა მისი გა-
 რეგნული მოხაზულობა უნაკლოა და უქვევლად
 სტოვებს კარგ შთაბუქდილებას ხაზთა სისწორით
 და სიმეტრიით.

როგორც მოსალოდნელია იყო, გერმანია უმთა-
 ვრესად წარმოდგენილი თავის ტექნიკის უკანას-



კნელ მიღწევებით და მნახველთა ყურადღება იქ სწორედ ამისკენაა მიპყრობილი. დიდი ადგილი უკავია ნედლ მასალათა გადამუშავების და «ერზატხთა» განყოფილებას. თუმცა აქ წარმოდგენილია მხატვრობის და სულიერ კულტურის რამოდენიმე ნიმუში, მაგრამ ამჟამად სჩანს, რომ მომწყობთა მთავარი აზრი აქეთ არ არის მიმართული. აქაც რეჟიმის მტკიცებას უკავია მნიშვნელოვანი ადგილი, მაგრამ მოკლებულია იმ მოკრძალებას, რომელსაც ეგრე აფასებთ იტალიის პავილიონში. გერმანელთა პირდაპირ აღმართულია საბჭოთა პავილიონი, რომელიც ჯერ კიდევ გარეგნულ ულამაზობით იპყრობს მნახველთა ყურადღებას. მართლაც, მუშა კაცის და მუშა ქალის ჩამოსხმული უზარმაზარი სიმბოლური ფიგურების სიდიდე სრულიად შეუფარდებელია თვით პავილიონის სიპატარავესან, რომელზედაც ეს ფიგურები დგას. საბჭოთა პავილიონმა გამოიწვია იმედის საყოველთაო ვაცრუება; თვით მათ მეგობრებშიაც, რომელთა რიცხვი, გზადაგზა რომ ითქვას, არც ისე მცირეა აქ.—ვერ ნახავთ მის მაქებელს. მთელი პავილიონი შეიძლება მოინათლოს სტალინის სახელობით, რადგან იქ ასზე მეტი მისი სურათია და კიდევ მეტი მისდამი მიძღვნილი ბროზურა და წიგნი. საერთოდ, თუ ტოტალიტარული სახელმწიფოები—გერმანია, იტალია და პორტუგალია უდიდეს ყურადღებას აქცევენ რეჟიმის მტკიცების და გამართლების ცდას, ამ გარემოებით მათ პავილიონებს სრულიად არ ეკარგება ეროვნული შემოქმედებითი სახეობა, რაც საბჭოებზე სრულიად არ ითქმის. აქ დაგროვილი მასალა წარმოადგენს უფორმო მასას, რომელსაც ამჟამად აკლია მცოდნეს ხელი და შემოქმედის მოქნილობა. თვალში გეცემათ ქვეყნის ღრმა მილიტარიზაცია, რასაც საბჭოთა მთავრობა აწარმოებს და სჩანს ამ გარემოების ხანგასმით აღნიშვნა მომწყობთა განზრახვაც იყო. აქ უცხოელი დარწმუნდება იმაში, რაშიც ჩვენ ეჭვი წინადაც არ გვეპარებოდა, რომ საბჭოებში ერთა თანასწორობა ისეთივე სიცრუეა, როგორც ამ ერების კულტურულ აყვავების ლაპარაკი. გამოფენაზედაც რუსებმა ეს ერები შთანთქეს. რუსეთში მოქცეული მრავალ და მრავალ სახის კულტურით მდიდარი ერები სრულიად არ სჩანან. მაგალითისათვის ავიღოთ საქართველო. ის წარმოდგენილია შემდეგი ნივთებით და ისეც იმ რიგად, რომ ძნელია მათი ქართულობის გაგება. ერთად ერთი წიგნია ქართულად და ისიც: ლექსები და სიმღერები სტალინზე, კრებული; მის გვერდით «ვეფხისტყაოსნის» ბალმონტის რუსული თარგმანი. სახალხო არტისტთა პლენადაში მსახიობ ვასაძის და ხორავას სურათებია; ერთი სპილენძზე და მეორე ძვალზე ამოჭრილი შოთას სურათია. მომწყობთ შეგნებულად არ გაუნაწილებიათ წარმოდგენილი ნივთები მათი ეროვნულ კუთვნილების მიხედვით და ამიტომ მნახველის თვალში ეს წარმოდგენს მხოლოდ რუსების შემოქმედების ნაყოფს. საქართველო აქ არ სჩანს. არა უშავს რა ეროვნულ თეატრთა დაღმების მაკეტების განყოფილებას. აქ ნახავთ ყველა დიდ ქალაქის და ეროვნებათა დაღმების მაკეტებს, მხოლოდ საქართვე-

ლოს გამოკლებით. სამაგიეროდ თვალსაჩინო ადგილზეა ერთი დაღმის მაკეტი, რომელსაც აწერია: სომხური თეატრი ტფილისში.

დიდი ბრიტანეთის პავილიონი, მიუხედავად მთელი რიგი განყოფილების კარგ მოწყობისა, მთლიანად არ იძლევა ინგლისის ერის და მის იმპერიის სიდიადის შთაბეჭდილებას. ინგლისს არასოდეს ჰქონია ამგვარ ინტერნაციონალურ მანიფესტაციაში მონაწილეობის მიღების დიდი სურვილი. მან პარიზის 1931 წლის მსოფლიო კოლონიალური გამოფენა მონაწილეობის არ მიღებით დააზიანა და დღევანდელი მისი მონაწილეობა გამოწვეულია სერიოზული პოლიტიკური მოტივებით, თითქმის იძულებითი აქტია. ამიტომაც ის თითქოს არც ცდილა წარმოედგინა მთელი თავისი დამახასიათებელი ღრმა ტრადიციული და კულტურული სახე. უკეთ მოწყობილია განყოფილებები—მუშეულობა, ვეცტხლეულობა, სპორტიული ნივთები და წიგნის გამოცემლობა—სავსეა სერიულ წარმოების საქონლით. გამოფენაზე უდიდესი ადგილი დათმობილი აქვს სოფლად და ქალაქად სახლის აგების, ბინის კეთილმოწყობის, კომფორტის პრობლემას. ყველა ელოდა ინგლისის მხრივ ამ დარგში ახალ სიტყვის თქმას. ეს იმედიც ვაცრუებული რჩება. წარმოდგენილი მაკეტები მეტად უსახოა, დამახასიათებელი ჩვეულებრივი ინდუსტრიული უბნებისა. თვით პავილიონის მოწყობა, ექსპონანტების დალაგება და წარდგენა ატარებს მაღალ ორგანიზაციულ ნიჭის ნიშანს, დიდი სავაჭრო სახლის სტილს. საერთოდ, გამოფენისათვის დავალებულ ამოცანათა შესრულებაში სჩანს ამჟამად სიამაყე—მედიდურობა.

მცირე ერებში—პირველ ადგილზე დგანან: ბელგია, პოლანდია და შვეიცარია, შემდეგ კი სკანდინავიის სახელმწიფოები. ბელგია და პოლანდია თავიანთ მეტროპოლიის სახის იზვიათად კარგად მოცემასთან ერთად დიდ ყურადღებას აქცევენ თავიანთ ცივილიზატურ როლს ახალმშენებში. გვაცნობენ მათ მიერ იქ მიღწეულ დიდ შედეგებს. მხატვრულად და მდიდრულად მოწყობილი პავილიონები მნახველის განმანათლებელია. აქეტყობილობთ მაგალითად, თუ რამდენად შემცდარია ჩვენი წარმოდგენა მაღაიის არხიპელაგის ერებზე—თითქოს ისინი ნახევრად ველურები იყვნენ. თქვენ ნახავთ ევროპიელ კლასიკოსთა თარგმანს მაღაიურ და ჯავაიურ ენებზე.

ამ სახელმწიფოთა ისე როგორც სკანდინავიის ერების პავილიონები საერთოდ დიდ შთაბეჭდილებას სტოვებენ თავიანთ წესრიგით, მტკიცე სოციალურ წყობით, პროგრესისაკენ მუდმივი მსვლელობით და მაღალ მატერიალურ და სულიერ კულტურით.

შვეიცარიის პავილიონი თუმცა წარმოდგენილია მთლიანად ტურისტულ გადახრით, ე. ი. კომერციულ მიდგომით, მაინც ფრიალ მომხიბლავია. განსაკუთრებით თავის პეიზაჟებით, რომლებიც საქართველოს მოგვავლენებენ.

სკანდინავიის სახელმწიფოთა პავილიონები მკვერად მეტყველებენ მათ დამახასიათებელ ზომიერე-



ბით, სიდინჯით და უპრეტენზიობით. ყველგან სხანს მშობლურ მიწის იშვიათი სიყვარული, მისგან განუყრელობის დიდი გრძობა, მათი გამუდმებული ზრუნვა ადამიანზე და ერზე, მისი წინაწილის ყოველგვარი ცდა, არის ეს ჭამა-სმის გაუმჯობესება, ბინათა კეთილმოწყობა თუ სპორტის საშუალებით ფიზიკური აღორძინება.

ბალტიკის ეხლახან განთავისუფლებულ სახელმწიფოებს—ლიტვას, ლატვიას და ესტონეთს ერთ შენობაში მოუწყვიათ თავიანთი პავილიონები და ეს სოლიდარობის იდეა მოცემულია შესვლისთანავე ამ ქვეყანათა სამი დმაცველის სიმბოლურ ფიგურებში. წარმოდგენილი მხატვრულად, უწარწეროდ, უპრეტენზიოდ, მათი პავილიონები ილისტრაციასაა ეროვნულ თავისუფლების და კულტურის განუყრელობის იდეისა. გამოფენილი ექსპონატები ატარებენ განუხეულ დროის კულტურის გავლენას ამ ხალხებზე, მაგრამ მთლიანად გამოფენა მნახველს არწმუნებს, რომ მიუხედავად ტექნიკა და სკანდინაველთა ხანგრძლივ ბატონობისა ამ ქვეყნებში, ამ ერებს შერჩენილია ეროვნული ინდივიდუალობა და ამ ტერამეტიოდვე წლის დამოუკიდებელ არსებობის განმავლობაში ის ზედმიწევნით განუვითარებიათ. ამ ერებმა თავიანთ პავილიონების ზედმიწევნით გარგი მოწყობით მოიპოვეს საერთო სიმპატიები, რაც პრესამ უკვე აღნიშნა.

ფინლანდია ააშკარავებს თავის მაღალ კულტურის რეპუტაციას. აქაც, როგორც შვეციის პავილიონში, თითქმის მთელი ადგილი უკავია სახელგანთქმულ ტყეს და მის ინდუსტრიას.

პოლონეთის პავილიონი აგებულია ორიგინალურ კონცეპციის მიხედვით. მის მოწყობით სამართლიანად საჭიროდ დაუნახავთ, ხაზი გაესვათ იმ გარემოებისათვის, რომ პოლონეთი და მისი კულტურა შორეულ დროიდან იწყება და მისი როლი ამ გეოგრაფიულ ნაწილში დღესაც ისაა, რაც საშუალო საუკუნეებში იყო. უკეთ შესრულებულია შესვლისას კოშიკი, რომელშიაც ისტორიულ continue-სთან (განუწყვეტელობასთან) ერთად მისი საუკეთესო შეილების ქანდაკებებში მოცემულია ქვეყნის პოლიტიკური და კულტურული მთლიანობის იდეა. განთავისუფლებულ ერთა პავილიონების დიდი კულტურული უპირატესობა რუსეთთან შედარებით წარმოადგენს დამოუკიდებლობის იდეის და თავისუფალ ერების მორალურ გამარჯვებას. განა საქართველოს არ შეეძლო მონაწილეობა მიეღო ამ უდიდეს საერთაშორისო მანიფესტაციისაში? განა მას არ შეეძლო ღირსეული ადგილი დაეჭირა აქ, როგორც მდიდარს, ძველს და განათლებულს ერს? ამიტომ, რომ ქართველი მნახველი გამოფენას სტოვებს სიამოვნების გრძობასთან ერთად დიდი გულისტკივილით.

სხვადასხვა ქვეყნის პავილიონებში ბევრი საერთო რამ არის. რამდენიმე ძირითად პრობლემას ყველგან თითქმის თანაბარი ადგილი უკავია. მაგ. ყველა, საფუძვლიანად თუ უსაფუძვლოდ ცდილობს დაამტკიცოს, რომ ის ინდუსტრიალურად სხვებზე ჩამორჩენილი არაა, რომ იქ განვითარებულ ქალაქ-

თან ერთად მიმოსვლის დაყოველგვარ კომფორტის საკითხი დადებითად გადაჭრილია. თავიანთ ქვეყნის ამგვარ ხასიათის წინ წამოწევის სურვილი თანაბრად სხანს იტალიის, ეგვიპტის, იაპონიის და სხ. მხრივ. ზოგიერთ სახელმწიფოსათვის გამოფენაზე მონაწილეობა წარმოადგენდა პრესტიჟის საკითხს, მაგრამ ყველასათვის კი კომერციულ საქმეს, ამიტომ გასაგებია თავიანთ ქვეყნების უდიდესი რეკლამა და პროპაგანდა.

ეს საკითხი უშუალოდ გადაბმულია ტურიზმთან, რის შესახებ გამოფენა იძლევა ნათელ წარმოდგენას. შემდეგი ადგილი უკავია სოციალურ პრობლემის გადაწყვეტას. აქ მოცემულია ამ საკითხისადმი მიდგომის ორი სახე. ზოგიერთები მყვირალა დიაგრამებით, ციფრებით და სურათებით აღნიშნავენ თავიანთ მიღწევებს; თავი მოაქვთ ისე, თითქოს მისი მოგვარება მხოლოდ მათ შეეძლოთ. განსაკუთრებით კი ბევრს ყვირის რუსეთი თავის დასასვენებელ სახლებზე. და განა დასაჯერებელია ეს, როდესაც დაწინაურებული და თავისუფალი შვეცია აცხადებს გულწრფელად, რომ ბინის საკითხი მისთვის რჩება მიუხედავად დიდი ცდებისა ჯერ გადაუწყვეტელ პრობლემად? თავისუფალ სახელმწიფოთა პავილიონები უწარწეროდ ლაპარაკობენ, რომ მათ ქვეყნებში ყურადღების ცენტრში ადამიანია და ყოველგვარი პროგრესი მას ხმარდება. ამიტომ ისინი ზედმეტად სთვლიან სოციალურ მიღწევების განსაკუთრებით აღნიშვნას.

უეჭველად გამოფენამ გაამართლა თავისი პირდაპირი დანიშნულება და გასაგებია პარიზის და საფრანგეთის სიამაყე გამოფენის მოწყობის გამო. გახდება ეს გამოფენა ისეთ ისტორიულ დატად, როგორც 1900 წლის მსოფლიო გამოფენა იყო, და შესძლებს მონაწილეთა დაახლოვებას თუ არა, ამაზე ლაპარაკი ნაადრევია.

ნიკო ურუშაძე.

შერილი აშერიკიდან

იყო დრო, და არც ისე ძალიან შორს, როცა საბჭოების კომისარ ლიტვინოვის ცდა სხვადასხვა ქვეყნების საგარეო სამინისტროს კარებთან ნაყოფს იღებდა. მაშინ რუსეთის უზარმაზარი უხეში ძალა და «ამოუშრეტელი», «მილიარდების» სავაჭრო ბაზარი სახარბიელო და მიმზიდველი იყო ბევრისთვის. მაშინ თითქმის ყველა, მორცხვად, მაგრამ ბევრითად, ცდილობდა, ეს ძალა და ბაზარი თავისკენ გადაებრებინა. ბევრმა მიზანს მიაღწია, რუსეთს მეგობრადაც გაუხდა, ლიგაშიც შემოიყვანეს.

მაგრამ ძველი თქმულებაა: დრონი მეფობენ და არა მეფენიო. ამ სულ მოკლე ხანში ბევრს თვალი ეჩილება. რასაც უწინ არ ხედავდენ, ან რის დანახვა არ უნდოდათ, დღეს მათთვის აშკარა ხდება. თვით «მაგარი» რუსეთის შემქნელმა სტალინმა გამოაფხინლა შინ და გარედ ხალხი. სტალინის მიერ რუსეთის «განწმენდამ» ორჭოფულ მდგომარეობაში ჩა-



აყენა ეს დროებითი მეგობრები. ახლა ამბობენ: ეს უზარმაზარი სიმაგრე შიგ დამპალი ყოფილა და მისი მეგობრობა ვაი თუ საზიანოც იქმნესო...

ცნობილია, რომ დემოკრატების გაზეთს «ნიუ-ორკის ტაიმს» მიუძღვნის ყველაზე მეტი ბრალი, რომ შეერთებულმა შტატებმა საბჭოები იცენეს. განსაკუთრებით როლი ითამაშა მოსკოვში მყოფ ამ გაზეთის კორესპონდენტმა ვოლტერ ლურანტმა.

ეს გაზეთი და მისი მოსკოვის კორესპონდენტი დიდს იმედებს ამყარებდენ რუსეთის ბაზარზე და რუსეთის ძალაზე (იაპონიის «ზრდის» შესაჩერებლად).

დურანტი მუდამ სტალინის რეჟიმის ქებაში იყო «ნიუორკის ტაიმის» ფურცლებზე და ცალკე გამოშვებულ წიგნში. მან ერთხელ სტალინს აუღენის ციის დროს თავის სამსახური გაახსენა: «მე თავიდან ვიცოდი თქვენი გამარჯვება და მუდამ მხარს გიჭერდით». სტალინიც უმადური არ დარჩა ამ დიდი გაზეთის სამსახურის და დურანტის კომპლიმენტები შეასხა (ამბობენ—სხვაცაო).

დურანტის მოსკოვიდან ტყუილების მოწოდება თავის გაზეთისთვის არ დაუკლია. თვით «ტაიმსიც» თავის მოწინავეებში ფრთხილად ეხებოდა საბჭოების მდგომარეობას. ამით ის თავის მთავრობას (რუზველტს) უჭერდა მხარს.

დღეს დურანტი მოსკოვშია და ხმას არ იღებს. სამაგიეროდ ამ გაზეთის მეორე კორესპონდენტი პაროლდი დენნი ახლა თავის გაზეთს უცენზურო წერილებს უგზავნის სტალინის დამპალ რეჟიმზე (როგორ ახერხებს ამას, გაზეთი არ ამბობს).

პაროლდი დენნი ოთხი წელიწადია, რაც «ნიუ-ორკის ტაიმსს» კორესპონდენტად არის მოსკოვში. თავიდან ეტყობოდა, რომ იმას დურანტის ენტუზიაზმი აკლდა საბჭოების მიმართ. ამბობენ პატიოსანი კაციაო და არმდნად შეეძლო, ცდილობდა სინამდვილე მოეწოდებინა თავის გაზეთისთვის. თვით «ნიუორკის ტაიმს» კი აქვს ახლად გაქრისტიანებულ ველურ კაცის ფსიქოლოგია: თურმე ერთხელ მდგდელმა შეამჩნია, რომ ახლად მონათლული ველური ორანთებულ სამთელს აწებებდა ხატის წინაშე, ერთს წმინდა გიორგის წინ და მეორეს იქვე დახატულ კუდიან ეშმაკის წინ. მდგდელმა ჰკითხა, რატომ შვები ამასო. ახლმა ქრტიანმა უპასუხა: «ვინ იცის, საქმე როგორ წავა—თუ სამოთხეში მოვხვდი, კარგი, თუ არა და ჯოჯოხეთშიც მეგობარი მეყოლებოა».

დღეს დურანტი გაჩუმებულია და დენნის რიგია. განსაკუთრებით მისი ცნობები საინტერესოა მარშალ ტუხაჩევსკის და შვიდი გენერლის დახვრეტის შემდეგ. 24 ივნისიდან 28-მდე «ნიუორკის ტაიმსში» მოთავსდა მისი უცენზურო წერილები. რადგან მისი ცნობები აქ ყურადღებას იპყრობს, მოვიყვანთ ცოტად ვრცლად.

დენნი იწყებს სტალინის სიტყვებით, რომელიც მას წარმოუთქვამს 23 დეკემბერს 1925 წელს, როცა ზინოვიევი და კამენევი მოითხოვდენ ტროცკის დახვრეტას და სტალინი იცავდა: «გეზი სისხლის დაღვრისა საშიში და გადამდებია; დღეს მოჭრი ერთს

თავს, მეორეს—ხვალ, ზეგ—მესამეს, რა დაგრჩება პარტიიდან»-ო...

დენნი განაგრძობს: «თავები ვარდებიან დღეს და ყველაფერი იმის მაჩვენებელია, რომ თავების დავარდა კიდევ გაგრძელდება... გრძობ—შიში და დუხჭირი ჰკიდია პაერში და ეს ისე უბედურად აწვება მოსკოვს, რომ გამგულედი ტურისტებიც გრძობენ და დაღონებულნი არიან. ქვეყანა განიცდის ისეთ საშინელ კრიზისს, რომლის მსგავსი არ ყოფილა კოლექტივიზაციის შემოღების მერე (1922 30)».

დენნის სიტყვებით ყოველი დარგი საბჭოების ქვეყნისა ქალტური და ნგრევის პროცესშია: ინდუსტრია, ტრანსპორტი, კოლექტივიზაცია... მთავრობას მკაცრი განკარგულება გამოუცია, რომ ათი დღის განმავლობაში ყველაფერი უნდა გამოაწიროდეს, თორემ უფროსები და ინჟინერები პასუხის გებაში იქნებიან მიცემულნიო...

დენნი შენიშნავს: «მოგესხენებათ, ასეთ უზარმაზარ და უბედურად დაცემულ განყოფილებებს ათ დღეში ვინ გამოასწორებს»-ო.

სიმხეცე და სიმეცაცრე, რომელსაც საბჭოების ორგანოები, პოლიტიკური პოლიცია, კომუნისტურ პარტიის წინამძღოლები და მთავრობის პრესა იჩენენ «დამგრეველების» და მსტოვრების (ჯაშუშების) და სხვა ხალხის მტრების ძებნაში, დიდად აოცებს რუსებს და სახლვარ გარეთელებსაცო. ყოველ დღე პრესა ამბობს, რომ ქვეყანა გავსებულია გამცემლებით და მოლაღატეებით, რომ დამსხვრეულია ინდუსტრია, დაქვეითებულია ტრანსპორტი და სურსათ-სანოვავის მოწოდება. უარესია მეცნიერებაში, ისტორიაში, კანონმდებლობაში და სხვაგან, რაიც გამოწვეულია «ტროცკისტების», ფაშისტების და მტრულად განწყობილ უცხოეთის ქვეყნების აგენტების.

«ახლა აქაური პრესა აღწერს ისეთ ცუდს მდგომარეობას, რომლის მსგავსი უცხოელს არც ესიზმრებოდა»-ო. მიუხედავად ასეთი მდგომარეობისა დენნი თამამად განაგრძობს: «თუ მივიღებთ მხედველობაში, რაც გამოქვეყნებულია, შეგვიძლია ორი რამ დავასკვნათ: 1) ან მთავრობამ და კომუნისტურ პარტიის ლიდერებმა, რაც ერთი და იგივეა, მოაწყვეს ეს გიგანტური შეთქმულება (დახვრეტილთა წინამძღვე) ან და 2) არის ისეთი უკმაყოფილება და არა ლოიალობა სტალინის რეჟიმში, რომ თითქმის, თუ არა სრულყოფით, კონტრევოლუციურია. თუ მთავრობამ და პარტიის ლიდერებმა თვითონ, განგებ, მოაწყვეს—ეს იმიტომ, რომ მუჟა მართველ კლიკას მოეშორებინა თავიდან და გაეწმინდა ქვეყანა გამოჩენილი პირებისგან, რომ საშიში არ გამხდარიყვნენ. «სიმართლე აღბად შუაშია. ოპოზიცია გაჩნდა და შეშინდა კრემლი... საბჭოების რუსეთი დღეს განიცდის ისეთ კრიზისს, რომელიც არყვეს მის საძირკველს»-ო.

როცა შარშან და ამ წელს სტალინი ახვრეტინებდა ძველს რევოლუციონერებს, შეერთებულ შტატების პრესა გაკვირვებული იყო, არ იცოდა, ვინ იყო მართალი: დამხვრეტელნი თუ დახვრეტილნი, და მხოლოდ ამბობდა, რევოლუცია თავის შვილებს



სქამსა, ძალდი ძაღლის ტყავს ხევისა. მაგრამ როცა მარშალი ტუნახევსკი და შვიდი გენერალი დახვრიტეს, ყველამ ერთხმად სთქვა—სტალინის რეჟიმი დამპალი ყოფილა და თვით ჯარი, რომელიც ძლიერი გვეჯონა, ალბად ფეტიურია არისო; ამ რვა პატრიოტის დახვრეტა, მტყუანნი იყვნენ თუ მართალი—ორსავე შემთხვევაში სტალინის რეჟიმის განაჩენი არისო...

დენნი აგვიწერს ერთს უკანასკნელს მთავრობის მიერ გამართულ საღამოს, რომელსაც აკლდა ბევრი დაჭერილის და დახვრეტილის ფიზიონომია—ასეთს საღამოებს ყოველთვის რომ ესწრებოდენ. აღმოსავლეთის ერთი დიპლომატის ცოლმა მითხრა: «ისე ვგრძნობ, თითქოს ხოლერიან ქვეყანაში ვიყო—არ იცი, რომელი აქ მყოფი რომელი წუთში დაეცემა»-ო. დენნი უმატებს: «დენინს რომ შეეძლოს დაბრუნება თავის წითელ ქვეყანაში, სულ ცოტა ნაცობ სახეებს ნახავდა»-ო.

თავის მეოთხე (27 ივნისის) უცენზურო წერილში დენნი ამბობს: «რა იქნება ბოლო ამ გაწმენდისა, რომელიც ასე უხეშად ხდება საბჭოების ცხოვრების ყოველ დარგში? იმსხვრევა უკვე ეს ახალი ცხოვრება, ოცი წლის განმავლობაში დიდი ტკივილებით და მსხვერპლით აშენებული? და უპირდაპირდა ეს რეჟიმი აშკარა კონტრეფოლუციას? ეს არის კითხვები, რომელსაც ძალაუფლებურად იწვევს ეს მასიური დაჭერა და დახვრეტა და რომელზედაც ყოვლად შეუძლებელია გადაჭრილი პასუხის მიცემა».

თვით დენნი ფიქრობს: მიუხედავად გავრცელებულ უკმაყოფილებისა შეუძლებელია სახურავის გადანგრევა, სადაც მთავრობა ზის ძლიერი პოლიციით და ჯარით, რადგან ორივე სტალინის ხელშია მის ადიუტანტ ეყოვის დახმარებით. ერთი—ოცი წლის დიქტატურობამ შვაერთ კაცის დესპოტიზმი, რომლის ქვეშ საბჭოების მცხოვრებნი სრულგზით დაძაბუნებულნი არიანო. მეორე—ალბად არავინ დარჩა, რომ შესძლოს აჯანყების გაძღოლა; თითქმის ყველა, ვისაც შეეძლო სტალინის გამკლავება, მის წინამდებე ავტორიტეტული ლიდერობა, მოსპობილი არისო...

მერე დენნი ანალიზს უკეთებს სხვადასხვა წრეებს და ამბობს: «უკმაყოფილება მეტად მწვავეა ინტელიგენციასა და მცირე ხელფასის მუშებში. ახალი თაობა კი, გაზდილი კომუნისტურ რეჟიმს ქვეშ, რომელმაც უკეთესის არა იცის რა, ეტყობა ლოიალურია, თუმცა იმასაც ამბობენ დაბეჯითებით, რომ უმაღლესად განათლებული ახალგაზნობა კრიტიკულად მსჯელობსო. ის კარგად ხედავს რეჟიმის ტირანიას ინტელექტუალურ ცხოვრებაში. ამბობენ, რომ ბევრი ახალგაზნა პროფესორი ციხეებშია, ბევრი ამოკლებს თავის კურსებს, რადგან ეშინია, არ იცის რა ასწავლოს, რომ არ მიიღოს გადახრად; ზოგიერთები მხოლოდ კარლ მარქსიდან კითხულობენ ლექციებს, რომ ხიფათში არ გაერიონო»...

დენნი ვრცლად ეხება ინდუსტრიის უმწეო მდგომარეობას: «მუშებში და ინჟინერებში დაბნეულობა და შიში მძვინარებს. «ტროცკისტებზე» ნადირობა, მასიური დაბეჭდება, დათხოვნა, დატუსაღება ანგ-

რევეს ყველა დაწესებულებას, რაც მთავრობის რისხვას იწვევს და ეს კიდევ უფრო აუარესებს საქმეს. ამასთან ახლა ირკვევა, რომ ინდუსტრიის ბევრი ციფრი ფალსიფიკაცია ყოფილა. კრემლის მოთხოვნის შიშის ქვეშ სხვადასხვა ქარხნების და დაწესებულებების უფროსები თურმე ტყუილს ანგარიშებს იძლეოდნენო».

დენნი სწერს, რომ მას უტყუარი ცნობები აქვს უცხოელ ინჟინერებისაგან, ვინც საბჭოებისთვის მუშაობდენ, რომ მდგომარეობა კატასტროფულიაო. მთავრობის სათაყვანებელი სტახანოვის სისტემა უკუღმართს შედეგებს იძლევაო. მუჟა ფაბორიტს ეძლევა საშვალეობა ხელფასის მომატების, დანარჩენი მთელი მასა მუშებისა ისეთ დაბალ ხელფას ლეზულობს, რომ ცხოვრება არ შეუძლიათო...


«მუშების დისციპლინა, რომელიც შიშით იყო დამყარებული, ახლა უეცრად დაეცა; მუშები არ ემორჩილებიან უფროსებს და ინჟინერებს და ესენი უძლურნი არიან—ეშინიათ «ტროცკისტობა» არ დაგვწამონო... «ჩემი ოთხი წლის აქყოფნის განმავლობაში ამისთანა მოვლენის მოწამე არ ვყოფილვარ, მგონია რეჟიმი ინძრევა, შესაძლებელია ეს იყოს დაწყება დამსხვრევისაო»...

თავის წერილს დენნი ასე ათავებს: «თუ რამე დემართა რეჟიმს, ეს არ იქნება პოლიტიკური აჯანყება, ან coup d'état, არამედ შედეგი ეკონომიური დამსხვრევისა და გაბრწინისაო».

როგორც მკითხველი ხედავს, დენნის წერილებს კომენტარიები არ სჭირდება. ჩვენ სულ ცოტა მოწყვანეთ მისი ოთხი დიდი წერილიდან, რომელიც «ნიუორკის დაიმსი» პირველ გვერდზე მოთავსდა და რომელშიც ერთი დადებითი წინადადება არ იყო საბჭოების სასარგებლოდ. აქ რაც ითქვა, იქიდანაც შეგვიძლია ვიფიქროთ, რომ სტალინის რეჟიმი განსაცდელშია და შესაძლებელია დაეცეს, თუ სტალინმა რამე სრიკებით არ უშველა, რომელსაც ის დროგამოშვებით კრიზისების დროს ხმარობდა. ამის შესაძლებლობაზე «ნიუორკის ტაიმი» პირველ ივლისს თავის მოწინავეში სწერს. ეხება რა ამურზე რუსეთ-იაპონიის შეტაკებას, ის ამბობს: «შესაძლებელია რომხდარი ინციდენტი. მოსკოვს ალბად უნდა, რომ მთელი უკმაყოფილო ხალხის ყურადღება შორეულ აღმოსავლეთისკენ მიაქციოს სამშობლოს დასაცავად. რუსეთ-იაპონიისაგან ხშირად გავვიგონია: «მგელი, მგელი, გვიშველეთო!» შესაძლებელია ახლაც ეს იყოს. თუმცა ვფიქრობთ—არასოდეს არ ყოფილა შორეულ აღმოსავლეთში რუსეთისთვის ასეთი სერიოზული კრიზისიო».

აქაური პრესის აზრით რუსეთის დღევანდელი იზოლიაცია საერთაშორისო კონცერტიდან მისი პოლიტიკური და ეკონომიური სისუსტის შედეგიაო...

ნაუტი.



რას სწავრან სომხური გაზეთები

ორიენტაციის გაზომვით.

დამნაკლებების ამერიკული გაზეთი «ჰაირენიკ» რამდენიმე წერილს უძღვნის იმ საკითხის გარკვევას, თუ როგორ მოიქცევა პარტია მოსალოდნელ ომის დროს. პირველ წერილში (21 მარტი) გაზეთი ეხება რუსის ემიგრანტების, კერძოდ დენიკინის შეხედულებას თავდაცვისა და დამარცხების შესახებ და ამბობს: «დავა, რომელსაც ადგილი აქვს რუსის ანტიბოლშევიკურ ემიგრაციაში, საგულისხმიერა ჩვენთვისაც—სომხებისთვის. ომი, რომელიც რუსეთს ემუქრება, სასიფათოა სომხეთისთვისაც. თუ ომის დროს გარეშე მტერს შეუძლია ტერიტორიული ზიანი მიაყენოს რუსეთს, სომხეთს ის სასიკვდილო ლახვარს ჩასცემს, მთლად გაწყვეტს სომხის ერს და ბოლოს მოუღებს მის ფიზიკურს არსებობას. ამიტომ თუ მოხდა თავდასხმა სომხეთზე, უცხოეთის სომხებისთვის დადგება უფრო მძიმე და პასუხის საგები საკითხი ვიდრე რუსებისთვის...»

«ჩვენ არ შეგვიძლია, მსგავსად დენიკინისა, ორი პრინციპით ვიხელმძღვანელოთ. ჩვენ უნდა გვექონდეს მხოლოდ ერთადერთი პრინციპი, სახელდობრ: ყოველ გარემოებაში დავიცვათ სომხეთი და მისი სასიცოცხლო ინტერესები. არ უნდა დავივიწყოთ, რომ ჩვენი ბრძოლა საბჭოთა ხელისუფლების წინააღმდეგ ბევრით განსხვავდება იმისგან, რასაც გენერ. დენიკინი ჰქადაგებს. ჩვენ მშვიდობიანობის დროსაც არ შეგვიძლია და არ გვინდა იდეურ ბრძოლას გავსცილდეთ. ჩვენი ბრძოლა საბჭოთა რუსეთის წინააღმდეგ არ არის მიზანი, არამედ საშუალებაა სომხეთის და სომხის ერის ინტერესების დასაცავად. ამრიგად თუ სომხეთს ომი ექმნა გარეშე მტერთან, უცხოეთის სომხები, ბუნებრივია, უნდა იყვნენ იმ მთავრობასთან, რომელიც დაიცავს სომხეთს გარეშე მტრისაგან. და ვინაიდან ეს მთავრობა დღეს საბჭოთა მთავრობაა, ამ გარემოებას არ შეუძლია ხელი შეუშალოს უცხოეთის სომხებს განურჩევლად პარტიისა და პოლიტიკური რწმენისა, მხარი დაუჭიროს ამ მთავრობას, რომ მას შეეძლოს საუკეთესოდ დაცვა სომხეთისა მის მოსისხლე გარეშე მტრის წინააღმდეგ.»

«ბევრმა შეიძლება გვითხრას: რაღას უცდით ომის ატეხას, და რატომ ახლავთ, როცა ომის საფრთხე აშკარაა, საჯაროდ არ დაეხმარებით საბჭოთა მთავრობას, რათა უკეთესად მოემზადოს სომხეთის დასაცავად. ასეთს შემკითხველს ავიწყდება მეტად მყვირალა ფაქტი, სახელდობრ—რომ საბჭოთა მთავრობა დღეს სომხეთის მოსისხლე მტრის თურქეთის მეგობარი და მოკავშირეა. და ვიდრე ეს მეგობრობა გრძელდება, სომხეთი არაფერს მოიგებს, თუნდაც უცხოეთის მთელმა სომხობამ მხარი დაუჭიროს საბჭოთა მთავრობას და ხელი აიღოს იდეურ ბრძოლაზე მის წინააღმდეგ.»

ამავე საგანს უბრუნდება 24 მარტის «ჰაირენიკ» და სწერს: «როგორი უნდა იყოს ჩვენი პოზიცია საბჭოთა მთავრობის მიმართ, თუ გერმანია და იაპონია თავს თავცნენ საბჭოთა კავშირს და თურქეთი

საბჭოებთან ექმნა. ამის სპასუხოდ ყოველის უწინარეს უნდა ვსთქვათ, რომ ვიდრე მოსკოვი და ანკარა განაგრძობენ მეგობრობას და კავშირს, სომხურ ეროვნულ თვალსაზრისით არავითარი საბუთი, ინტერესი და სარგებლობა გვაქვს, შევცვალოთ ჩვენი დამოკიდებულება საბჭოთა მთავრობასთან. არ უნდა დავივიწყოთ, რომ არც იაპონია, არც გერმანია სომხის ერის მტერი არაა და სომხეთის მიმართ არავითარი მტრული განზრახვები არა აქვთ. თუ რუსები, ბოლშევიკების მოწინააღმდეგენიც, პატრიოტული მოსაზრებით საჭიროდ სთვლიან, შეიარაღებული წინააღმდეგობა გაუწიონ გერმანიას და იაპონიას, რათა ხელი შეუშალონ რუსეთის ახალს დანაწილებას,—ჩვენ სომხებს, როგორც ერს, არა გვაიძულებს რა და არავითარი სარგებლობა გვაქვს, ვეომოთ გერმანიას და იაპონიას.»

«ესთქვათ უფრო გარკვევით: სანამ თურქეთი გერმანიის და იაპონიის მხარეზე არაა, სომხები არ უნდა გამოვიდეთ უკანასკნელების წინააღმდეგ და უნდა განვაგრძოთ იდეური ბრძოლა საბჭოთა მთავრობის წინააღმდეგ. ამას გარდა: ვიდრე მოსკოვი და ანკარა ერთმანეთის მეგობრები და მოკავშირენი იქნებიან, ომი ევროპის ფრონტზე და შორეულ აღმოსავლეთში სომხის ერის ფიზიკურ არსებობისათვის საფრთხეს არ წარმოადგენს. ამ შემთხვევაში თუ რამე დამუქრება ჩვენს ეროვნულ ინტერესებს ამიერკავკასიაში, ეს მოხდება უფრო საბჭოთა მთავრობის მხრით, ვიდრე იაპონია-გერმანიისაგან, რადგან საბჭოთა მთავრობას, როგორც თურქეთის ერთგულს მეგობარს და მოკავშირეს, შეუძლია მას მიანდოს ამიერკავკასიის დაცვა და თავისი ჯარები გადაისროლოს გერმანიის და იაპონიის წინააღმდეგ. მაგრამ მდგომარეობა არსებითად შეიცვლება ჩვენთვის, თუ თურქეთი ჩამოშორდება საბჭოებს და გადავა გერმანიის და იაპონიის მხარეზე. ამ შემთხვევაში სომხის ერის საარსებო ინტერესები მოითხოვენ ჩვენგან, უკუვავადოთ ყოველი ოპოზიცია საბჭოთა მთავრობის მიმართ და დავეხმაროთ მას, რომ რაც შეიძლება უკეთესად დაიცვას სომხეთი.»

2 პარტიის ნუმერში გაზეთი კვლავ იმეორებს ამ აზრებს და პასუხს აძლევს იმ პარტიებს, რომელნიც ამ პოზიციას ებრძვიან. «ამ ჩვენს პოზიციას—სწერს «ჰაირენიკ»: რომელიც სრულიად ლოლიკურია და რომელსაც იმპერატივულად გვიკარნახებს სომხის ერის სასიცოცხლო ინტერესების შეგნება, სასტიკად აკრიტიკებენ რამკავარები და აგრე წოდებული სომეხი კომუნისტები. ეს ვაჟბატონები მოითხოვენ, რომ მათთან ერთად ჩვენ დავეხმაროთ საბჭოთა მთავრობას, რომელიც სომხის ერის მოსისხლე მტერის თურქეთის მოკავშირეა. საბჭოთა მთავრობის ამ მორჩილ ლაქიებს არ უნდათ შეიგნონ, რომ ვიდრე თურქეთის მეგობარია საბჭოების მთავრობა, იგი იძულებულია აწარმოვოს ანტისომხური პოლიტიკა. რასაც ადგილი ჰქონდა ერთხელ კიდევ ხანჯიანის თავის მოკვლასა და ახალი კონსტიტუციის გამოცხადებასთან დაკავშირებით.»

შემდეგ 9 მაისის ნუმერში გაზეთი ასე განაგრძობს: «პარტიის პინჩაისტების ანუ უკეთ კომუნის-

ტების «ნორ ერკირ» ამბობს, რომ ჩვენი პოზიცია არის «პირობითი პატრიოტიზმი»... ჩვენ ვამბობდით და კიდევ ახლად ვიმეორებთ, რომ ყოველ გარემოებაში ჩვენ უნდა დავიცვათ სომხეთი და მისი საარსებო ინტერესები. არ გვითქვამს და არ შეგვეძლო გვეთქვა, რომ ყოველ გარემოებაში უნდა დავიცვათ საბჭოთა მთავრობა და მისი სასიცოცხლო ინტერესები, როგორც ეს უნდა სომხის კომუნისტებს, პინჩაისტებს ან რამკავარებს. რატომ? იმიტომ რომ ყოველ შემთხვევაში—ომი იქნება თუ მშვიდობიანობა—, როცა საბჭოთა მთავრობა გამოდის, როგორც მოკავშირე და თანამშრომელი თურქეთისა, ის ვერ იქნება საიმედო მეგობარი და დამცველი სომხებისა. ამიტომ ნამდვილი მამულიშვილობა მოითხოვს, რომ ამ გარემოებაში ჩვენი დამოკიდებულება საბჭოთა მთავრობასთან იყოს რეზერვით და არამეგობრული. 1920 წლის მაგალითმა დამტკიცა ურყევი ისტორიული ფაქტებით, რომ საბჭოთა მთავრობა როგორც მოკავშირე და თანამშრომელი თურქეთისა აწარმოებს ანტისომხურ პოლიტიკას. მხოლოდ სომხის ერის საარსებო ინტერესების განწირვით შეინახა მან და ინახავს დღესაც თურქეთის მეგობრობას... მდგომარეობა შეიქნება სულ სხვანაირი, თუ საბჭოთა მთავრობა აღარ დარჩება თურქეთის მოკავშირედ, რადგან მაშინ საკუთარი ინტერესებისათვის იძულებული იქნება აწარმოვს კავკასიაში სომხების შესაფერი პოლიტიკა. მაშინ ის შეეცდება გაამაგროს სომხების პოზიციები. რადგან ეს იქნება მისი საკუთარი პოზიციების გამაგრება თურქეთის წინააღმდეგ, რომელიც ადრე თუ გვიან მოსკოვის მტრების ბნაქში გადავა. ცხადია, ამ შემთხვევაში ყველა სომხის პარტია მხარში უნდა ამოუდგეს საბჭოთა მთავრობას არა მარტო ომის, არამედ მშვიდობიანობის დროსაც...

«სამწუხაროდ ჯერჯერობით არავითარი საბუთი გვაქვს ვიფიქროთ, რომ საბჭოთა მთავრობა შორდება თურქეთს. პირიქით, ყველაფერს უთმობს მას, კავკასიაშიც რასაკვირველია, რომ არ დაჰკარგოს მისი მეგობრობა და თანამშრომლობა. დღეს არავისთვის არაა საიდუმლო, რომ ამიერ-კავკასიის ფედერაციის დაშლა მოხდა თურქეთის პირდაპირი თუ არაპირდაპირი ჩაგონებით».

ბოლშევიკური მიღწევები

(კომუნისტურ გახეტებიდან)

«მასწავლებელთა პოლიტიკური და სპეციალური-პედაგოგიური მომზადება ჯერ კიდევ არ არის სათანადო დონეზე დაყენებული.

ამ მხრივ, როგორც მასწავლებელთა პირველი რიგის ატესტაციის წინასწარი შედეგებიდან ირკვევა, საქართველოში აშკარად არადაამაკმაყოფილებელი მდგომარეობა გვაქვს. დაწყებითი, არასრული და სრული საშუალო სკოლების მასწავლებელთა საგრძნობი ნაწილის პოლიტიკური და პედაგოგიური მომზადების დონე ძალიან დაბალია. საქართველო 15 რაიონში 300-ზე მეტი ისეთი მასწავლებელი

ირიციება, რომელთაც საშუალო განათლება არა აქვთ. ბაშკირეთის რაიონში დაწყებითი სკოლის 92 მასწავლებლიდან 78 დაბალი განათლებით არის, ხაშურის რაიონში 36 მასწავლებელს არა აქვს საშუალო განათლება.

მასწავლებელთა მომზადების დონე დამაკმაყოფილებელი ვერ არის თბილისშიაც. პირველი რიგის ატესტაციაში გატარებულ მასწავლებელთაგან კიროვის რაიონში სხვადასხვა საფეხურის მასწავლებლის სახელწოდებაზე გამოცდები უნდა ჩააბაროს 66 მასწავლებელმა, 26 კომუნარის რაიონში—51, ორჯონიკიძეში—35, სტალინის რაიონში—54.

უარესი მდგომარეობა გვაქვს სხვა რაიონებში. მაგალითად გეგეჭკორის რაიონში პირველი რიგის ატესტაციაში გატარების შემდეგ 169 მასწავლებელმა ვერ მიიღო პერსონალური სახელწოდება, მახარაძისაში—106, ლანჩხუთისაში—79, სოხუმის რაიონში—220.

ატესტაციის დროს ბევრი მასწავლებელი აშკარა უეციობას იჩენდა მიმდინარე პოლიტიკის, მეურნეობის და პედაგოგიკის აქტუალურ საკითხებში. ისინი არ იცნობენ ჩვენი ქვეყნის მიღწევებს, ეს იმიტომ, რომ არ კითხულობენ პოლიტიკურ და მხატვრულ ლიტერატურას, ყურნალ-გაზეთებს, არ ეწაფებიან ჩვენი ქვეყნის კულტურის მიღწევებს, არ მუშაობენ საკუთარ თავზე.

ბევრ მათგანს არ გააჩნია ოდნავ დამაკმაყოფილებელი ცოდნა იმ საგანშიაც, რომელსაც თვითონ ასწავლის. მაგალითად, მასწავლებელ ო. ბურსულაის (გეგეჭკორის რაიონი) აზრით—«საბჭოთა კავშირი ესპანეთს ეომება», ამავე რაიონის სკოლის მასწავლებელი ახალაია დარწმუნებულია, რომ «ევროპა არის სახელმწიფო. თბილისის სკოლების მასწავლებლები ვაშალშიძე, თვალავაძე და ა. კვერცხიშვილი თავის მოკლე ბიოგრაფიის დაწერას ისე ვერ ახერხებენ, რომ 20-25 შეცდომა არ დაუშვან.»

«თელავის რაიონში წერა-კითხვის უცოდინარობის სალიკვიდაციო სკოლათა მასწავლებლებს გასული წლის ოქტომბრიდან ხელფასი არ მიუღიათ.»

«ფეხსაცმელთა ფაბრიკა ყოველად უხეირო პროდუქციას უშვებს.

მიმდინარე წლის იანვარში საქართველოში აიკრძალა ვასასყიდად და მოსპეს, როგორც სრულიადუვარგისი, 506 ათასი მანეთის ფართო მოხმარების საგნები: ხეტი, ერბო, თევზი, საკანდიტრო ნაწარმოები, ყველი და სხვა.»

«სოიუზპროდმაგის» სისტემაში გამფლანგველთა რიცხვი უდრის 40 კაცს. მათ შორის მხოლოდ 14 გამფლანგველს აქვს სასამართლოს წესით მისჯილი სხვადასხვა სახის სასჯელი, ხოლო დანარჩენები ჯერ კიდევ თავისუფლად დასეირნობენ. «სოიუზპროდმაგში» გაფლანგული თანხა 1936 წელს უდრის 266.300 მან.

ბუხპალატერის საბუთებიდან სჩანს აგრეთვე, რომ საქონლის გაფუჭება და დანაკარგის ღირებულება

287.500-მდე აღწევს. ზარალი-გაფლანგვა კი «სოიუზ-პროდმაგის» ყველა განყოფილებაში მთლად უდრის 516.500 მან.»

«ჩვენ ვმუშაობთ ქუთაისში სხვადასხვა საამშენებლო ნაწილში და გვინოვდა სამუშაოს დამთავრებაში დავრჩენილიყავით, მაგრამ დირექციამ შექმნა ისეთი პირობები, რომ იძულებულნი ვართ წავიდეთ. სამი თვეა ხელფასი არ მიგვიღია. ვცხოვრობთ ცუდად მოწყობილ საერთო საცხოვრებელ ბინებში. არ არის საგებ სახურავი. 3 4 მატრაცი, რომელიც იქ მოიპოვება, არასოდეს არ გარეცხილა. არც სასაბილოშია უკეთესი მდგომარეობა. საქმელის ხარისხი მეტად დაბალია.» ხელს აწერს ოცი მუშა.

სამოქალაქო პანაშვილი ლევილში

კვირას, 11 ივლისს ლევილის სასაფლაოზე შეიკრიბა დიდძალი ქართველობა, რადგანაც ამ დღეს დანიშნული იყო დ. შარაშიძის ძეგლის გახსნა და მასთან ერთად ლევილში დასაფლავებულ ამხანაგ-მეგობართა მოგონების დღე.

სრულ 4 ნახ. საათზე სოც.-დემ. პარ. პარისის კომიტეტის თავმჯდომარე ს. მენაღარი ძეგლს გახსნილად აცხადებს და დამსწრეთ მოუწოდებს ძვირფას დათიკოს ხსოვნას ერთი წუთის სიჩუმით პატივი სცენ.

ამის შემდეგ მეგობრების სახელით მეტად მგრძობიარე სიტყვას ამბობს ბ. კ. კანდელაკი, რომელიც ახასიათებს რა დ შარაშიძეს, როგორც ცნობილ საზოგადო მოღვაწეს და დიდ ქურნალისტს, ამბობს: «დათიკოს სახით მებრძოლ საქართველომ დაკარგა ენერგიით აღსავსე, ნიჭიერი და თავდადებული მებრძოლი; ხოლო მეგობრებმა საყვარელი, გრძობიარე და მუდამ ფაქიზი ამხანაგი. მისი ადგილი დღესაც ცარიელია. მისი ჩვენგან წასვლა უდიდესი დანაკლისია, როგორც ქართული საქმის, ისე ქართული მწერლობისათვის. ამიტომ ქართველი ერი არასოდეს დაივიწყებს მის თავდადებულ და ენერგიულ ღვაწლს სამშობლოს წინაშე».

ამ სიტყვის შემდეგ ბ. მენაღარი დამსწრეთ აცნობს სოც.-დემ. პარ. პარისის კომიტეტის ინიციატივას დღევანდელ პანაშვიდთან დაკავშირებით და ამბობს:

«ჩვენ დღეს აქ შევიკრიბეთ, რომ პატივი ვცეთ ჩვენს ძვირფას დათიკოს. მაგრამ ამ სასაფლაოზე, დათიკოს გვერდით, განისვენებენ საყვარელი მეგობრები და ამხანაგები, რომლებმაც სამშობლოს და თავის რწმენას ანაცვალებს საკუთარი სიცოცხლე. მათი მოგონება, მათი ხსოვნის პატივისცემა უნდა გახდეს ქართველ საზოგადოების წმინდა მოვალეობად. ბევრი ყავს საქართველოს მზგავსი თავდადებულნი, რომელთა საფლავები გაფანტულია, როგორც აქ, ისე სამშობლოში და ციმბირის ყინულთაგან მიდამოებში. და აი ამ დასოცილ გმირთა მოსაგონებლად ჩვენმა ორგანიზაციამ გამოაცხადა ყოველი წლის მაისის პირველი კვირა ამ თანამემამულე-

თა მოსაგონებელ დღედ. ამ დღეს, ყოველ წლიურად ჩვენ მოვალთ აქ, რომ აქ განსვენებულთა საფლავებზე მოვიგონოთ ჩვენგან უდროოდ მუხტალ ბედის მიერ მოგლეჯილი მეგობრები. წელს ეს გლოვის დღე ჩვენ შეუფარდეთ დათიკოს ძეგლის გახსნას, რომ ამით დაგვეწყოს ეს ახალი და სიმპატიური წამოწყება.

ჩვენ გვწამს, რომ ამ კეთილშობილურ ინიციატივას თანაგრძობით შეგვდება, როგორც ჩვენი ამხანაგები, ისე ფართე ქართველი საზოგადოება.»

ამის შემდეგ სიტყვა ეძლევა ბ. ს. ლიაძეს, რომელიც საქართ. სოც.-დემ. პარისის პარტიზის კომიტეტის სახელით მგრძობიარე და შინაარსიან სიტყვას ამბობს. ის მოხდენილად ახასიათებს საქართველოს მიერ გაღებულ უამრავ მსხვერპლს და მის დაუდგრომელ ბრძოლას თავისუფლებისათვის. იგონებს აქ დასაფლავებულთა ღვაწლს და თავდალებას სამშობლოს საქმისათვის და დაასკვნის:

როდესაც ჩამოკრავს სამშობლოს თავისუფლების ზარი, მაშინ ჩვენ აქ მოვალთ და ჩვენს ძვირფას დათიკოს, ევას, კოლიას, ნიკოს, გერონტის, ამბერკის და სხვებს ამ ნეტარ დღეს ვახარებთ.

ამით დასრულდა სამგლოვიარო დღე. დამსწრენი გუნდ-გუნდად დაიშალენ, ზოგნი პარისისაკენ გამოემშურენ და ზოგნი კი ქართულ შატოსკენ დაემშვენ. დამსწრე.

საქართველოს ამბები

(გაზეთებიდან)

რუსთაველის დღესასწაულები დაიწყება ამა წლის 11 დეკემბერს და გაგრძელდება თვის ბოლომდის.

იუბილესთვის გამოვა აკადემიური გამოცემა «ვეფხისტყაოსნისა» ორ ტომად; სახალხო გამოცემა ერთ ტომიანი გამოცემა.

მზადდება გამოსაცემად «ვ. ტყაოსნის» მე-17 საუკუნის ილუსტრაციების ალბომი, ნ. მარის რჩეული ნაწერები რუსთაველის შესახებ, ივ. ჯავახიშვილის «რუსთაველის ხანის გონებრივი და მატერიალური კულტურა», პ. ინგოროყვას «შოთა რუსთაველი», შ. ნუცუბიძის «საქართველოს კულტურა მეთორმეტე საუკუნეში და რუსთაველი», არჩილ მეფის «გაბაასება თეიმურაზისა და რუსთაველის», ძველი ქართული რომანი (გაგრძელება ვ. ტყაოსნისა) «ომანიანი», «ვისრამიანი», პეტრიწონელის «კავშირნი» და ხალხური ვეფ. ტყაოსანი; მოკლე დროში გამოვა XI XIII ს. ს. მატერიალური კულტურის ამსახველი კრებული შემდეგი შინაარსით: მიმოსვლა და სავაჭრო გზები, ხიდების ნაშთები (გ. ჩუბინაშვილი), არხების და წყალსადენების ნაშთები (ი. ლოხაბერიძე) და საქართველოში გავრცელებული ადგილობრივი და უცხო ფული (თ. ლომაური); კრებულის საერთო რედაქცია ეკუთვნის ივ. ჯავახიშვილს. გამოვა აგრეთვე ლ. მუსხელიშვილის ნაშრომი დმანისის ნაქალაქარის გათხრის შედეგების შესახებ.

— გამოვიდა ახალი გამოცემა პ. იოსელიანის «ცხოვრება გიორგი მეცამეტისა».

— დაიწყო ტფილისის საბჭოთა თეატრის რეკონსტრუქცია. თეატრს უმატებენ ახალს დიდს შენობას.

— მიწათმოქმედების კომისარიატის არქივში აღმოაჩინეს ისტორიული მნიშვნელობის დოკუმენტები, სხვათა შორის მეფე ერეკლე მეორის სიგელი.

— მეტეხის მუზეუმის გამგებლობა ჩამოართვეს დ. შევარდნაძეს იმისთვის, რომ «თანამედროვე ცხოვრების, ბრძოლისა და გამბრძობის სურათები მუზეუმში ადგილს ვერ პოულობდენ».

დახვეწებები ტფილისში

გაზ. «კომუნისტის» 10 ივლისის ნუმერში დაბეჭდილია შემდეგი:

«საქართველოს საბჭოთა სოციალისტური რესპუბლიკის უზენაესი სასამართლოს სპეციალურმა სასამართლო საკრებულომ შემდეგი შემადგენლობით: თავმჯდომარე მ. ისაკაძე და წევრები ა. ჩხეტიანი, ე. ტატუშოვი, მდივანი—ს. ჯაფარიძე, მიმდინარე წლის 9 ივლისს სასამართლოს დახურულ სესიონაზე განიხილა 1934 წლის 1 დეკემბრის კანონით დადგენილი წესით საქმე ბრალდებისა გამო ბ. მდივანისა, მ. ტოროშელიძისა, მ. ოკუჯავასი, გ. ყურულაშვილისა, ს. ჩიხლაძისა, გ. ელიაშვილისა და ნ. ქარცივაძისა დანაშაულში, რაც გათვალისწინებულია სისხლის სამართლის კოდექსის 58-4, 58-6, 58-8, 58-9 და 58-11 მუხლებით.

სასამართლომ გამოარკვია, რომ ბრალდებულნი შედიოდნენ საქართველოს ამჟამად გამომუშაებულ ანტისაბჭოთა ორგანიზაციის შემადგენლობაში, რომელიც აერთიანებდა დამარცხებული ანტისაბჭოთა პარტიების ნაშთებს, ეწოდნენ გამცემლურ, ჯაშუშურ, მავნებლურ და დივერსიულ მუშაობას და ამზადებდნენ ტერორისტულ აქტებს პარტიისა და საქართველოს მთავრობის ხელმძღვანელთა წინააღმდეგ.

ყველა ბრალდებულმა: ბ. მდივანმა, მ. ტოროშელიძემ, მ. ოკუჯავამ, გ. ყურულაშვილმა, ს. ჩიხლაძემ, გ. ელიაშვილმა და ნ. ქარცივაძემ დამნაშავედ სცნეს თავი სამშობლოს ღალატში, რაც გამოიხატა ჯაშუშობაში უცხოეთის ერთერთი სახელმწიფოს ფაშისტური წრეების სასარგებლოდ, დივერსიულ და მავნებლურ აქტებში საქართველოს სახალხო მეურნეობის დარღობაში.

საქართველოს სს რესპუბლიკის უზენაესი სასამართლოს სპეციალურმა სასამართლო საკრებულომ დაადგინა: ყველა ბრალდებულს, როგორც ხალხის მტრებს და სამშობლოს მოღალატეებს, მიესაჯოს სისხლის სამართლის სასჯელის უმაღლესი ღონისძიება—დახვეწა.»

ა ნ გ ა რ ი შ ი

ქართული საბრძოლველი და საკულტურო მასალების გამომცემის ფონდისა.

როგორც «დამ. საქართველოს» ამა წლის აპრილის გამოცემაში იყო მოხსენებული (№ 134, გვერდი 14-15) 23 აპრილისათვის ფონდის შემოსავალი იყო 4.365 ფრანგული ფრანკი. მას შემდეგ შემოვიდა:

1. ლიდა და მიხეილ უბირიასაგან (პრალა) 100 ფრ.
2. სერგო იმნაძისაგან 50 ფრ.
3. პარიზის ქართველთა ახალგაზდა წრისაგან (ლ. ზურაბიშვილის და ბ. რამიშვილის მიერ წარმოგზავნილი) 300 ფრ.
4. კალისტრატე კახიანისაგან (შ. აბდუშელიშვილის მიერ შემოტანილი) 50 ფრ.
5. პოლონეთში მყოფ ქართველთა ოფიცრებისაგან (ბ. ბაგრატიონის მიერ წარმოგზავნილი. სახელები შემომწირველთა ბოლოს იქნება გამოცხადებული) 423 ფრ.
6. ივანე ზურაბიშვილის ოჯახისაგან 150 ფრ.
7. სოფოს ქართველ მუშებისაგან (სახელები შემომწირველთა წლის ბოლოს იქნება გამოცხადებული) 560 ფრ.
8. ვალიკო ფიჩხაიასაგან (ჩეხოსლოვაკია, ლომთათიძისაგან წარმოგზავნილი. ბ-ნი ვალიკო მეორეხელ გზავნის ასეთ თანხას) 105 ფრ.
9. პარიზის ცენტრის წევრებისაგან 300 ფრ.
10. პარიზში ქალთა კომიტეტის მიერ შეგროვილი (რომელშიც 200 ფრანკი შეგროვილია ლიდა და გიორგი ნოზაძისაგან, 300 ფრ. პარიზის დრამატულ დასის «დამხველი ჩხიკვი»-საგან, 200 ფრ. პარიზის «შავარდენის კარველის გუნდი»-საგან, 100 ფრ. ბ-ნი ლ. რუხაძის მიერ შეგროვილი: 50 ფრან. M-e Brumaultdes Houlieries-რისაგან, 50 ფრ. ბ-ნი ლ. ჭურულაშვილისაგან) 800 ფრანკი.
11. კ. ქავთარაძისაგან წინეთ შემოტანილი (ის შედის პარიზის ცენტრის წევრებშიც) 10 ფრ.
12. ბრიუსელში მყოფ ქართველებისაგან (რუსუდან ყიფიანი, ვ. ლაზრიშვილი და ი. ოთხმეურისაგან 120 ბელგ. ფრანკი.
13. ყურნალ «სამშობლოს» რედაქციისაგან 100 ფრ. სულ დღემდის, 23 ივლისამდის, შემოსულია ფრანგულის ფრანკით რომ ვიანგარიშით 7.428 ფრ. გულითადი მადლობა ყველა ზემო აღნიშნულ შემომწირველთ.

პატივისცემით ექვთიმე თაყაიშვილი.

გაზეთისათვის დასაბეჭდი მასალები და ფული უნდა გამოიგზავნოს შემდეგი მისამართით:

M-r PIRTSKALAVA

10. rue Jules Ferry. Leuville-s-Orge (S.-et-O.)
France.